

619
1972



ԷՅՄՆ

№ 10 038088060 1972



რუსთავის ახალი უბანი ფოტო თ. არჩვაძისა

პროლეტარებო ყველა ქვეყნისა, შეერთდით!

ფოქა

№ 10 (431) ოქტომბერი, 1972 წ.

გამოცემის წელი 50-ე.

ყოველთვიური საზოგადოებრივ-
პოლიტიკური და სალიტერატურო-
სამხატვრო ჟურნალი

გსკისა, ზოგოზს უოდალი

როგორ ემზადებიან
რუსთაველები
დიადი დენასაწაულისათვის



გაისად ოცდახუთი წელი შესრულდება იმ დღიდან, რაც რუსთავი ქალაქად იქნა გამოცხადებული. მეოთხედი საუკუნე ისტორიისათვის ფრიად მცირე დროა, მაგრამ აბა დაუკვირდით რა სასწაულები მოხდა...

ახლა საქვეყნოდ არის ცნობილი რუსთავის მარკის მიღები, ფურცლოვანი ნაგლინი, თუჭი, ფოლადი. უზარმაზარ მეტალურგიულ ქარხანას ძმებივით ამოუდგენენ მხარში ქიმიური კომბინატი, რომელიც უშვებს აზოტოვან სასუქებსა და კაროლაქტამს, ქიმიურ ბოჭკოს, ამწმენებელი და ცემენტის ქარხნები, ლითონის რეპროდუქციებისა და თუჩამომსხმელი საწარმოები. აქ დამზადებული პროდუქცია იგზავნება მსოფლიოს ორმოცეუ მეთქვეყანაში.

როცა მომავალი ქალაქის მშენებლობა იწყებოდა და ბარის პირველი დაკრა იყო საქირო, აქ ჩამოვიდნენ რუსეთის, უკრაინის, ბელორუსიის, აზერბაიჯანის, სომხეთის, ლიტვის, ლატვიის, ესტონეთის, შუა აზიის და ჩვენი თვალუწვდენელი სამშობლოს სხვა კუთხეების შვილები. აქ ისინი მოვიდნენ საწარმოო გამოცდილებით და ტექნიკით და ქართველ ძმებთან ერთად დაიწყეს მეტალურგიული ქარხნის მშენებლობა. ქარხანას სკირდებოდა ადგილობრივი კადრი და აი, ჭერ კიდევ სამამულო ომის წლებში ქართველ ქაბუთა დიდი ჭკუფი სასწავლებლად და პრაქტიკის მისაღებად

რუსეთისა და უკრაინის მეტალურგიულ ქარხნებში გაიზავნა.

ცნობილია ქართველმა მეტალურგმა, სოციალისტური შრომის გმირმა ა. ძამაშვილმა ტაგანროგის მეტალურგიულ ქარხანაში მიიღო პირველი ნათლობა.

დონეცკის მეტალურგიულ ქარხანაში იზრდებოდა ა. ფანცულაია — სახელმწიფო მეტალურგი, სოციალისტური შრომის გმირი. იგი ხშირად იგონებს და ადგილზეც კი ეწვევა ხოლმე თავის უკრაინელ კოლეგებს, შრომაში დამომბლებულ და დამეგობრებულ ვ. ნოვიკოვსა და ნ. ბიკოვს. სულ მალე, როცა რუსთავის მეტალურგები აღნიშნავენ თავიანთი ქალაქის 25 წლისთავის იუბილეს, ა. ფანცულაიას გადაწყვეტილი აქვს სტუმრად მოიწვიოს თავისი უკრაინელი მეგობრები. დღესასწაულზე უკრაინელ და რუს მეგობრებს მოიწვევენ აგრეთვე მეტალურგები — მ. სპანდერაშვილი, გ. ბერეკაშვილი, ვ. კობერიძე, ვ. მებრეველი, პ. იმედაშვილი, ვ. გიგიბერია, შ. კუნცეიშვილი და სხვები.

ლ. სავჩენკოს სინთეზური ბოჭკოს ქარხნის საგრებ სამაქროში გავეცანით. იგი აქ ჩერნიგოვიდან ჩამოვიდა და ისე შეეჩვია კოლექტივს, რომ თავისი სიცოცხლე მის გარეშე ვერც კი წარმოუდგენია.

აი რას ამბობს ლატვიელი მ. უბორტა:
— მე საქართველოს ვთვლი მეორე სამშობ-

ლოდ... მეგობრობაში მე ვიპოვე ბედნიერება, სინარული, და ყოველივე ეს შედეგია იმ სიყვითისა, რაც მოგვიტანა დიდმა ოქტომბერმა.

უდიდეს სინარულს გამოხატავს თავის ბედის გამო ბელორუსი ნ. სელიკინა, რომელიც ცემენტის ქარხანაში მუშაობს. — ბელორუსია შორს არის საქართველოდან, — ამბობს იგი, მაგრამ საქმე განა სიშორეშია? რა მნიშვნელობა აქვს გეოგრაფიას, როცა ჩვენ აქაც ისევე ვგრძობთ თავს, როგორც საკუთარ სახლში. ჩემი მიზანი ახლა ის არის, რომ ვიმუშაო კარგად და ჩემ მიერ გამოშვებულ პროდუქციაზე თქვან: ჩინებულა!

ხალხთა ლენინური მეგობრობა რუსთავში ისევე, როგორც მთელ ჩვენს ქვეყანაში, დიდი ხანია იქცა ცხოვრების ძირითად კანონად. ეს განსაკუთრებით ნათლად ჩანს ამჟამად, როცა ჩვენი ხალხი ემზადება საბჭოთა კავშირის სახელოვანი 50 წლისთავისათვის.


მარტენის სამაქრო... აქ ეკირა ისე არ გავა, რომ ქართველ მეფოლადეებს თავიანთი რუსი, უკრაინელი, აზერბაიჯანელი და სხვა რესპუბლიკის მეტალურგთა წარმომადგენლები არ ეწვიონ და ერთობლივად არ გამოადონ მეგობრობის ფოლადი. ამ ფოლადივით მტკიცეა მათი ძმობაც. წელს სტუმრებთან ერთად მეგობრობის ფოლადი გამოადნენ გამოჩენილი მემარტინებმა დ. მებრეველმა, გ. ბერეკაშვილმა, ზ. ყაველაშვილმა და სხვებმა.

მეგობრობის ფოლადი... მისი გამოდგომა ტრადიციად იქცა არა მარტო რუსთავში, არამედ იმ ქარხნებშიც, სადაც იმყოფებიან რუსთავის წარმომადგენლები. ერთ-ერთი ასეთი ნაღობი ამას წინათ გამოუშვეს ქალაქ უდანოვის ქარხანა „აზოვსტალი“. აქ სტუმრად იმყოფებოდნენ ცნობილი მეტალურგი ვ. გიგიბერია და სსრ კავშირის უმაღლესი საბჭოს დეპუტატი მ. სპანდერაშვილი. ქართველების ჩასვლის მიზანი უკრაინელ კოლეგებთან ის იყო, რომ მოემზადებინათ ნიადაგი ამ ორ ქარხანას შორის სოციალისტური შეჯიბრების გასაშლელად, მტკიცე მეგობრული კავშირის დასამყარებლად. ქართველმა მეტალურგებმა „აზოვსტალი“ გაიცნეს სახელმწიფო უკრაინელი მეფოლადე, სსრ კავშირის უმაღლესი საბჭოს დეპუტატი ვ. შუდრა, რომელიც იმ დროს შრომით ვახტუნ იდა. მან თავის ლუმელთან მიიწვია მ. სპანდერაშვილი და ორივე ერთად შეუდგნენ დნობის განხორციელებას. პროცესმა წარმატებით ჩაიარა, დნობა საათნახევრით ადრე განხორციელდა...

— ახლო მომავალი ვლადიმერ შუდრა ჩვენი სტუმარი იქნება, — ამბობს მიხეილ სპანდერაშვილი და ემზადება მის შესახვედრად.

...რუსთავის მეტალურგიულ ქარხანაში რომ შესვალთ, თქვენ გაჩვენებენ სიას იმ ქარხნებისას, რომლებთანაც მათ მეგობრული კავშირი აქვთ დამყარებული. აი ეს სია: ენაიევი, სუმგაითი, დო-

რუსთავი. მეტალურგიული ქარხანა.



3 მ ლ 3 ა

საყვარელი მანგი რომ აგიტაცებს ხანდახან, ისე გაფუტაცნივარ შორეთებში საფიქრალს და სამხრეთის ქარივით, იმავ ქარის მხარდამხარ, ვით სტუმარი მოვსულვარ დედა ვოლგის ნაპირას.

— ის ბიჭუნა სად არის, ვალოდია პატარა? დედა ვოლგავ, მითხარი! — მდინარისთვის მიკითხავს. ის ხომ მისმა ოცნებამ მთელ ხმელეთზე ატარა,

მერე საით წავიდა, რომელ ცხრა მთას იქითა?

ხმა გამეცით კლდიანო ნაპირებო, ქვიშნარო, თქვენს სანახებს მაღლიანს როდის აქეთ გაშორდა? ეს მღელვარე ტალღები იქნებ (ახლა ვინიშნე) არის მისი ფიქრები, არის მისი ბავშვობა!

ის ხალხის გულს მიება ასიათას ძაფითა, ყველას გულში აქლერდა საუკუნო მანგებად. ვოლგავ, მხნე და ძლიერო დელვითა და ხაფითა, შენი ტალღა ლენინის სუნთქვით მოიგრაგნება.

მეუბნებიან...

მეუბნებიან, მტრები გყავსო. მართლა, ნეტავი? სახარხოხელაზე აყავთ თურმე ჩემი სახელი. თურმე ათასი უკან დამდევს ჩრდილის მჩხვლტავი, ორმოს მითხრიან, დაუგიათ ჩემთვის მახენი. მტრებიო?! თუმცა არც ეგ არის გასაკვირველი. ისე, რომ გითხრათ, არც კი ვიცი, მტერი ვინა მყავს. იქნება მათზე ჩემი დიდი დარტყმა პირველი სწორედ ის არის, თვალთ ერთივ რომ არ მინახავს.

აწერბაიჯანულიდან თარგმნა ზეუვა მადულაზვილმა.

რასულ რზა

3 ნ ნ ც ი ს...

უთხარი შენს თვალებს: არ დამიხნელი დილა მზიანი. არ დამენახონ ცრემლით სველი და სევდიანი; არ დასცდეთ ურვა, იყვენენ მუდამ აღერსიანი.

უთხარ შენს ხაგეთ: იჩურჩულონ ლხენად გულისა, არ შემეშფოთონ სული სავსე სიყვარულითა.

წლები მიჰქრიაან... მხრებზე მაწევს წელთა მატება, ხან წავბორძიდი, ხან წილად მხვდა მე წარმატება.

მოდი და დარჩი, ვერ გაგიშვებ ვერსად, იცოდე! მოდი, ორივე ერთნაირი ცეცხლით ვიწვოდეთ!

ჩამკიდე ხელი, გასაშვები არც მე ვარ-მეთქი, გულს გული იცნობს, მე შენ გიცან, იწამე ღმერთი!

ჩემს სიჩუმეში, ჩემს უსიტყვო გულის ფრიალში უფრო მეტი რამ იმალება, უფრო დიადი.

ვინ იცის, იქნებ ეს გადიქცეს გზის დასაწყისად, ვინ იცის, იქნებ ეს არ არის კიდევ ყოველი, შენი არ ვიცი, მე ჩავთვალე უკვე თავისად, სწორედ შენს გამო, ცხოვრებისგან მე ბევრს მოველი.


აწერბაიჯანულიდან თარგმნა ლეილა პრბამე.

ნეცკი, უღანოვი, ნიკოლაივი, ლიპეცკი; როგორც წესი, წელიწადში ერთხელ ეწვობა ამ კოლექტივების წარმომადგენელთა შეხვედრა. რომლის დროს საქმიანი სჯა-ბაახი იმართება მოწინავე მეთოდების ურთიერთგაზიარებაზე, პროგრესულ მეთოდებზე, სიახლეთა დანერგვაზე, მეგობრული კავშირის განმტკიცებაზე. აქვე ფორმდება სოციალისტური შეჯიბრების ხელშეწყობებიანი. შემდეგ კი ამას მოხვედბა ბოლშე დელეგაციათა ურთიერთგაცვლა, მიმოწერა, სხვა სახის საწარმოო და მეგობრული კონტაქტები. ხალხთა მეგობრობის საინტერესო ფაქტებს ნახავთ ქიმიური ბოქვოს ქარხანაში. სსრ კავშირის შექმნის ნახევარსაუკუნოვანი იუბილეისთვის მზა-

დებასთან დაკავშირებით აქ დააწესეს 15 შრომითი ვახტი. თითოეული შრომითი ვახტის ხანგრძლიობა ორი კვირაა და ეძღვნება ცალკეულ რესპუბლიკას. პირველად ქარხნის შესასვლელთან აფრიალდა რსფსრ-ის დროშა. იქვე სტენდზე მოათავსეს ამ რესპუბლიკის გერბი და გააკეთეს წარწერა — „მიმდინარეობს რუსეთის საბჭოთა ფედერაციული რესპუბლიკისადმი მიძღვნილი შრომითი ვახტი“. სსრ კავშირის 50 წლისთავის იუბილესადმი მიძღვნილი 15 შრომითი ვახტი დამთავრდება 18 დეკემბერს, ხოლო ამის შემდეგ—30 დეკემბრამდე კიდევ ჩატარდება ერთი, ეგრეთწოდებული დასკვნი-

თი ვახტი. 30 დეკემბერს კი ქარხნის სამქროებრი იმუშავებენ შრომითი ვახტების დროს დაზოგილი ნედლეულით. საინტერესო დონისძიებებს ახორციელებენ კულტურის კერის მუშაკებიც. მეტალურგიული ქარხნის კულტურის სასახლის თვითმოქმედმა კოლექტივმა ამ დღეებში ცეკვებითა და სიმღერებით შემოიარა ის ქალაქები, რომლებთანაც ქართველ მეტალურგებს მეგობრობა აკავშირებთ. სულ მეტი ხალხი იყრის თავს ახლა ქიმიკოსთა კულტურის სახლში. აქ მუშაობს „ინტერნაციონალური მეგობრობის კლუბი“, რომელშიც გაერთიანებული არიან ჩვენი თვალუწვდენელი ქვეყნის მოძვე ხალხთა შვილები. სისტემატურად ტარდება „მეგობრობის დღესასწაულები“. ახლახან მოეწყო ამიერკავკასიის რესპუბლიკების კვირეულები. კვირეულების დროს სტენდები და გამოფენები მნახველებს მოუთხრობენ ამა თუ იმ რესპუბლიკის შრომით წარმატებებზე, კულტურულ ცხოვრებაზე.

რუსთავი. ქიმიური კომბინარი.



ახლოვდება საბჭოთა ხალხის დიდი დღესასწაული. მრავალეროვანი შრომითი რუსთავი დგას სადღესასწაულო ვახტზე: სატირთო სადგურ „რუსთავიდან“ ყოველდღე გადის ეშელონები, რომლებსაც მოძვე რესპუბლიკებში და მსოფლიოს სხვადასხვა კუთხეში მიაქვთ რუსთავის მარკის მიწები, ფოლადი, თუჩი, ნაგლინი, მოთუთიებული მავთული, ამწე მანქანები, ლითონკონსტრუქციები, ქიმიური სასუქები, კაპროლაქტამი, ხელოვნური აბრეშუმის ძაფი და მრავალი სხვა პროდუქცია. ყოველივე ეს რუსთაველთა საიუბილეო საჩუქრებია.

ზურაბ მარკვილაძე
ქ. რუსთავი

ჩვენნი ინტერვიუ



მეჩაიე ქრისტინე ლომიძე.

როცა ვითხოვე — ყველაზე საუკეთესო მეჩაიე დამისახელეთ-მეთქი, მიბასუხეს. — საუკეთესო ბევრი გვყავს. ბოლოს მაინც ქრისტინე ლომიძესთან გამგზავნეს. მაშინვე გავეშურე ლაითურის. ჩაის საბჭოთა მეურნეობა-ტექნიკუმის მეოთხე აგროგანყოფილების პლანტაციაში. არ ეცალა ქრისტინეს, მაინც იმ წუთში დადგა კალათი, და მე მომიბრუნდა. სულ რამდენიმე კითხვა მაქვს-მეთქი, ვუთხარი.

კითხვა. — პატივცემულო ქრისტინე, რედაქციიდან ვარ ჩამოსული. გვინდა მოვუყუვეთ მკითხველებს თქვენს შრომაზე, თქვენს ცხოვრებაზე. მოგხსენებთ, ახლა დიდი დღესასწაული ახლოვდება — საბჭოთა კავშირის ნახევარსაუკუნოვანი იუბილე. როგორ ხვდება თქვენი კოლექტივი ამ თარიღს?

პასუხი. — ჩვენს კოლექტივში ხუთი ათასამდე კაცია. მე ერთი რიგითი მეჩაიე ვარ და ვცდილობ ჩვენი კოლექტივი, ეს ჩვენი დიდი ოჯახი მუდამ წინ იყოს, სასახელოდ გამოვიდეს ქვეყნის წინაშე. ჩვენმა მეჩაიეებმა წლიური გეგმა სარეკორდოდ მოკლე დროში — 5 აგვისტოსათვის შეასრულეს და სახელმწიფოს 4.100 ტონა ჩაის ხარისხოვანი ფოთოლი ჩააბარეს. ორმოც წელზე მეტია, რაც ეს მეურნეობა არსებობს და ჭერ არავის ახსოვს ასეთი ბრწყინვალე გამარჯვება.

გეგმა გეგმა, მაგრამ ჩვენ ჩვენი ვალდებულება გვაქვს. ახლა უმთავრესი ისაა, კარგად გამოვიყენოთ დრო, წუთი რა რის, წუთიც კი არ დავკარგოთ უქმად და სამეურნეო წლის ბოლომდე ახალი წარმატებები მოვიპოვოთ.

კითხვა. — რას იტყვით პირადად თქვენს მუშაობაზე?

პასუხი — როცა ჩვენებზე ვლაპარაკობ, იქ ჩემს მუშაობასა და ჩემს წვლილსაც ვგულისხმობ. ჩვენი მეურნეობა კი საქმოდ დიდი და ძლიერია. მას თავისი ტექნიკური აქვს, რომელიც ამზადებს მექანიზატორებს, ბუღალტრებს, მგეგმავ-ეკონომისტებს, უმცროს აგრონომებს.

ამას გარდა, ლაითურის საბჭოთა მეურნეობა

ჩვენი მეცნიერებისა და კონსტრუქტორების ექსპერიმენტული ბაზაა. მთელს მსოფლიოში სახელგანთქმულმა ჩაის პირველმა საკრეფმა მანქანამ „საქართველომ“ სწორედ ლაითურში აიღა ფეხი.

ჩვენი ჩაის პლანტაციები ათასამდე ჰექტარ ფართობზეა გადაიშალა. მეჩაიეობის გარდა, მივღევთ მეციტრუსეობას, მევენახეობას, მებეღეობას. გვაქვს ტუნგოსა და ბამბუკის პლანტაციებიც.

მეოთხე აგროგანყოფილებას, რომელშიც მე ვმუშაობ, 24 ჰექტარი ჩაის პლანტაცია აქვს მოსავლელი. გეგმით 100 ტონა ჩაი უნდა მოგვარიფოთ, ვალდებულება კი 104 ტონაზე გვაქვს აღებული.

პირადად მე, შარშან მთელ სეზონში 8 ტონა და 600 კილოგრამი ჩაის ფოთოლი მოგვარიფე წელს უკეთესად ვიშრომე. ჩაის ფოთლის კრეფის სეზონის დამთავრებამდე ჭერ კიდევ დიდი დროა დარჩენილი, მაგრამ უკვე 9 ტონა და 400 კილოგრამი ნედლეული მაქვს მოკრეფილი. დრო კიდევ წინ არის და ვნახოთ, ჩემს მეგობრებთან ერთად რის გაკეთებას შევძლებ.

კითხვა. — როგორც ვიცი, მთელ დღეს პლანტაციაში ატარებთ. როგორ იყენებთ თავისუფალ დროს, რას კითხულობთ მხატვრული ლიტერატურიდან?

პასუხი — ჩვენ, მეჩაიეები მხოლოდ რამდენიმე თვე ვართ დაძაბულად დატვირთულები. საქმეს პლანტაციაში რა გამოიღვს, მაგრამ ფოთლის კრეფის სეზონის დამთავრების შემდეგ, ასე თუ ისე, შედარებით მეტი დრო გვრჩება. ამ დროს პირადად მე კარგად ვიყენებ, გართობა-დასვენებისათვის შორს არ გვჭირდება წასვლა. მეურნეობაში თორმეტი აგიტბრიგადაა და თითოეულ მათგანს თავისი

წითელი კუთხე აქვს. კულტურის სასახლეში გასართობს რა გამოიღვს? გნებავთ ბიბლიოთეკაში შებრძანდით, გნებავთ დრამატული წრის სპექტაკლებს დაესწარი... ჩვენს კინოთეატრში, ქალაქთან განსხვავებით, ყოველდღე ახალ-ახალ კინოფილმებს უჩვენებენ. მხატვრული ლიტერატურის კითხვისთვისაც მრჩება დრო. მიყვარს გალაკტიონის ლექსები გურიაზე, ნოდარ დუმბაძის რომანები, მიყვარს სათაგვადასავლო წიგნების კითხვა.

სოფლელების გართობა-დასვენების დიდი დრო მაინც საქართველოს ტელევიზიის გადაცემათა მომენა-ყურებაზე მოდის. ამ გადმოცემებს ჩვენ წამოვინებთ ვუყურებთ.

კითხვა. — ქრისტინე, ეურნალ-გაზეთებში ხშირად წერენ ახალგაზრდობის ლტოლვაზე სოფლიდან ქალაქისაკენ. ამ თემაზე მოთხრობებიც იწერება, სპექტაკლებიც იდგმება. თქვენ რას იტყვით ამასზე?

პასუხი. — ამ საკითხზე ხშირად გვიფიქრია და გვიმსჯელია მე და ჩემს მეგობრებს. აჰ, ჩვენთან მეურნეობაში ერთი მექანიზატორი მუშაობდა, ნიკოლოზ... გვარს ნუ ჩაიწერთ, არ მინდა ვაწყენინო. ერთ მშვენიერ დღეს ნიკოლოზმა ქუდი დაიხურა. თავი დაგვიკრა და მეურნეობიდან წავიდა.

გავიდა ხანი... იარა აქეთ-იქით ჩვენმა ნიკოლოზმა, ყველაფერი სცადა, ყველაფერი მოსინჯა და დაინახა რომ ისევ აქა სჭონებია, ჩვენთან. ამასობაში, ვიდრე ის წასული იყო, აქ აშენდა ახალი საცხოვრებელი სახლები, კულტურული თუ საყოფაცხოვრებო ობიექტები. კაცი ალტაცებული დარჩა... ნიკოლოზი ახლა ჩვენთან არის და ძალიან გულმოდგინდად მუშაობს.

ქრისტინეს თავისი გოგონა პლანტაციაში აცილებს.



ნანი ზრეზვაქმს

შენი მანგებით ვარ მოხიბლული, ვარ მოხიბლული შენი ბგერებით.

როს ვაღობს სული მირონცხებულთ, შინ მისი ეშხით ვინ არ შეთენილა.

როცა აკაკის ცა-ფირუშს მდგერი, გვატკობო როგორც მზე, როგორც მთვარეო,

გამთენიისას

ჩიტის უივეივიში ცისკარი მოდის, ჩიტის უივეივიში მოდის ნათება.

იცის მან, მალე, მალე, სულ მალე, მზე იბატონებს და არა მთვარე.

უცებ მეორემ იწყო ვაღობა, იქვე მესამეც ეხმარება.

მ ი ძ ე ლ ა

მე მუავდა ერთი მეზობელი, ერქვა მიქელა, მიყვარდა მისი გამობედვა, მისი ხმა ტკბილი.

ჩვენი ოჯახის კარგის მდომი და ახლობელი არ იყო მარტო... მხოლოდ თვისკენ არ მიითლიდა.

მხიბლავდა მისი კარმიდამო ფართოდ გაშლილი, ზაფხულში დიდი ოდა სახლის უყვარდა ჩრდილი,

ქაღარა თმები ამშვენებდა, ვით ლომს ფაფარი, გამოღვიძებულს წამოჯდომა დასჩემდა ფრთხილი,

გიორგი მიხაპარი

ა ლ ს ა რ მ ბ ა

მე შენი ჩანგის ერთი სიმი ვარ, აი, იმ ჩანგის, შენ რომ მომართე, შენ ჭერქვეშ,

და არ დავრჩები გაწყვეტილ სიმაღ, არც დაკვეხნებად, არც დაპირებად...

კ მ ე ტ - ქ ა ლ ს

როცა შორეულ ლანდებს უმღერი, მე შრუანტელი ტანში დამივლის,

აიმ მთის წვერზე აზიდე ტვირთი, არ დაილალო, არ დაძაბუნდე,

მინათებ, მზიურ შუქით მინათებ, თეთრად აენთნენ ტყემლის რტოები,

შენ ირემივით ყელს რომ იღერებ, და მკერდზე იბნევ ლულაუა ღიღებს,

რომ მოგერიდოს ფიქრის გამხეღის, ვერ შევეღვივო სევდიან თვალებს,



ქრისტინე ლომიძე (მარჯვნიდან მეორე) ახალგაზრდა მკაიებებთან.

ასეა, ცხოვრებამ ბევრი რამ ახალი მოიტანა. ადამიანს მოთხოვნილება და ესთეტიკური გემოვნება გაეზარდა.

რის ზღვარი თითქმის წაშლილია. კონკრეტული მაგალითები გნებავთ? პირადად ჩემზე მოგახსენებთ.

ახლანან მეურნეობის ტერიტორიაზე ქალთა სალონიც გაიხსნა. ახალგაზრდა მუშა-ქალებს შეუძ-

ლიათ მოდურად დაიყენონ თმა, მანიკურაც გაიკეთონ. თანამედროვე, მოდური ტანსაცმელის შესაკერად საკუთარი ატელიეც გააჭვს.

მეურნეობის მუშებს მომსახურებას უწევს საველე-სასადილო, სანატორიუმ-პროფილაქტორიუმში, პანსიონატი, სადაც მთელი დღე-ღამით შეიძლება ბავშვების დატოვება...

ახლა ჩვენს მეურნეობას ორ ტაქსსაც პირდებიან. მალე ცენტრალურ გათბობასაც გავიყვანთ და აღარ ვიცო, ამის მერე ქალაქისა რაღა უნდა შეეხარბოს ადამიანს!

ზოგიერთები წუწუნებენ: ახალგაზრდობა გარბის სოფლიდანაო. კეთილ ინებონ, გაიხარჯონ, ჩვენსავით მოაწყონ ცხოვრება და მერე ვნახოთ, მიატოვებს თუ არა ვინმე მამაპაპულ მიწას.

მუშები ჩვენთან ყოველთვიურად 180 მანეთს იღებენ საშუალოდ, მექანიზატორები — 220 მანეთს. თითქმის ყველა მუშას აქვს დამხმარე საბოსტნე ნაკვეთი. ახლა ამას დაუმატებ პრემიები, ჯილდოები, ერთდროული დახმარებები და ნათელი გახდება, რომ ჩვენ წელამართულად ვცხოვრობთ.

ახე ვშრომობთ, ვაკეთებთ, რაც შეგვიძლია. გვინდა ჩვენი აგურებიც ეწყოს იმ დიდი და ნათელი შენობის კედლებში, რომელსაც კომუნისში ჰქვია; მისი აგება ხომ ჩვენივე, მილიონობით უბრალო, მშრომელ ადამიანებზეა დამოკიდებული და ჩვენც ძალასა და ენერჯიას არ დავშოვავთ, რომ ეს შენობა რაც შეიძლება სწრაფად და მყარად ავაშენოთ.

საუბარი ჩაიწერა ოთარ დემეტრაშვილმა.

შენ, შენ ანათავ

შეასკდა სივრცეს
უეცარი ხმა აფეთქების
და ორბებივით
შეფრთხილდნენ
ცაში ბელტები.
ხეობას ეხო
გამოსტაცეს
ლურჯმა სერებმა,
გადაუღიდეს
მიწას მკერდი ბუღლოვრებმა
შებმიან კლდეებს,
გვაცდებენ
და გვხვარებენ
ლომიძეები,
ქარდავები
და ემხვარები...
ელოდებიან გვირბები —
ფართო ვენები
ენგურის სისხლად დაქუხებას
და გაჭენებას...
სიჩუმის ბზარში
„ოღოია“ მიედინება,
მხრებზე სიგრილე
გვიალერსებს
ხეთა ჩრდილებად.
ემზარს და რეზოს
და ბიძინას
შუბლზე აცხიათ
ქვარტლი — ამბორი
მამაბაპურ მეგრულ ფაცხისა.
ბაას-ბაასით
მივაბიჭებთ
ხევ-ხევ და მთა-მთა,
ვეღარ იტყვენ
დიდ სიყვარულს
გუგები თვალთა...
ვინ იყო, მზერა,
შუბლის ცვარო,
ვინ მოგარიდა.
შენ, შენ ანათებ
წარსულიდან
და მომავლიდან
ათას ჩუქურთმად,
ათას ფრესკად,
ათას გუმბათად...
მე შენით ვიცნობ ადამიანს
ნადღს და გულმართალს.
პეი, ენგურო, ამ კარგ ბიჭებს
არ დარჩე ვალში,
ჩაუდექე მამულს
დაუშრეტელ სინათლედ თვალში...
ისევ გაისმის
ფეთიანი ხმა აფეთქების
და ფრთხილბეგენ,
ფრთხილბეგენ ცაში ბელტები.

სიღნაღის ღამე

მგონია ამ წუთში,
ამაღამ,
სწორედ იქ,
სადაც მე
ვდგავარ ახლა,
კახეთი სიღნაღად ამაღლდა —
თავის სიღამაზის დასანახად.
მართლა იმედივით მბრწყინავი.
მუდამ გაცეხდა მეგულბა...
გალავნად ავლია წინაპრის
შიში, იმედი და... ერთგულბა.
ქათქათა ტყემლების ფერია
მთვარეში ღრუბლების სართულები...
წნორი ზგავს
მღვივანა კერიას,
ციმციმა ნაკვერცხლებს — ნათურები.
მოცივია,
მოცივია... ბარჩხალა
ვარსკვლავთა წვიმა საოცარი.
ტიბანს, მირზანს, მაჩხანს
მაქვს ჩემი კუთვნილი სალოცავი.
და სწორედ ამ წუთში, ამაღამ,
სწორედ იქ,
სადაც მე
ვდგავარ ახლა,
კახეთი სიღნაღად ამაღლდა —
თავის სიღამაზის დასანახად.

ღამით მქალუარი

ნამწიფოგვეს

მწყრალი დღეა, მრეშმა ნისლი
თვალსაწიერს გადასდია,
ამოსულა ძაღლყურძენა,
და ტირიფებს გადაზრდია.
ჩამოსულა ტყიდან ფითრი,
და ვენახებს შესევია,
რა ყვითელი ფოთლებია,
რა შიშველი ფესვებია!
მოდის ხალხი თავშიშველი,
დამაშვრალი ხალხი მოდის.
ჰე, რა მოკლე მანძილია,
სატირლიდან სალხინომლის!
შემოდგომას მისჭიხინებს,
* მინდორ-მინდორ კვიცი გარბის.
რა მომწიფდა, რა მორთვილდა.
მიხარია ღიმილამდის.
მერამდენე მწიფობის თვე,
ჩემს ბაღ-ვენახს ეკვებება.
შემოდგომას სოფლის კაცი
სოფლის წესით ეგებება.

* * *

ნაცნობი ხმეობ გაზაფხულისა
შემოეჩვია მიდამოს ისევ,
იმკის სოფელი საყვარელ ამინდს
საყვარელ ამინდს,
ძლიერს და ფხიზელს;
და ბინულების ხმას აგულსებს,
მამულის მთებში დამდნარი ზვავი.

ახლა სამწერლად თვალი არ კმარა,
სულით ვუცქერი, რასაც ვუცქერი.
დევეს ჩემს წინაშე უცნობი წიგნის
დაუწერელი ჭირაც ფურცლები,
თეთრი კრავების გაშლილი არცე,
შემდგრეულ კორდებს,
საყვარლად კიკნის
და ალტკინების დაფარულ მიწებს
შენი ღიმილის ხსოვნაში ვიძევ...
არაგვის ქალა,
როგორც ნახატი,
უცებ ცოცხლდება, უცებ იღვიძებს,
ო, ამ მშვენებას ოდენ ძალმიძებს
ხელუხლებელად შეგინახავდი.

კ ი ა ნ ი ნ მ

ღვას პიანინო, გასარკულ ხუფით,
დაგმანულია კარი ზგერების,
თითქოს შემკრთალი ბარტყების ჭგუფი,
მოსწყვიტეს მწეს და ბედნიერებას.
დაუურსულები იციან შიშით,
მრავალი დღე და მრავალი წელი
და კლავიშებზე, ვით დედა ჩიტი,
დახტის გამხდარი, ფაქიზი ხელი.

ხთისო წიქლაური

ხ ი ღ ი

მომხდურს ორწოხში გზა გადუღობა, —
იმსხვერპლა,
თვითაც დაიმსხვრა — გმირი!...
ის მარად ზვის არის დულაბი,
მუდამ ძმობას და სიყვარულს ყვირის.
აკეთებს ნახტომს, როგორც ავაზა,
რომელმაც სრამში მტერი გასრინა,
მშვიდობას ხიდი უყვარს ღამაში,
ომს ეშინია ხილზე გასვლისა.

წარმოების გადავრინა

მიქრიან ხანგრძლივ ფრენას ნაჩვევნი,
ულერენ მანძილს კისრებს ალესილს
და სამშობლოდან შორეთს დარჩენილ
ხალხს ეძახიან თავის მხარეში,
ბურღვენ ეთერს ფრთების შრიალით,
სწრაფით და ქროლვით დაუცხრომელით
და ხსნიან ყველა ერის იარებს
და ეხერხებათ ენა ყოველი.
მათ ლურჯ გზებს ნისლი ბევრჯერ ებურა,
ნისლს ეპურა მთები და გორგურები.
მაგრამ შინ მაინც დაბრუნებულან —
გრძელი მფრინავი ზღვის ჩონგურები.
გადავილიან, როგორც ღრუბლები,
დამძიმებული ციურ ზღაპრებით,
შინმოუსვლელებს დაეუფლებათ
სურვილი ქროლვის და გადაფრენის.
და დაერღვევათ სულის მშვიდობა,
გაებზარებათ გულის ეუვანი
და დედამიწას მოემშვილდება
მათი წუხილი და კავშანი.

დიდი რეჟისორი

კოტე მარჯანიშვილი, რომლის დაბადების 100 წლისთავს ფართოდ აღნიშნავს მთელი ჩვენი ქვეყანა, თეატრალურ სფეროში ფენომენალური მოვლენა იყო. იგი მოწაფეობიდანვე გაიტაცა თეატრმა, მონაწილეობას იღებდა სასკოლო სპექტაკლებში და არდადეგების დროს თვითონ მართავდა წარმოდგენებს მშობლიურ უკრაინაში. ოცდაორი წლისამ ფეხი შედგა ქართულ პროფესიულ სცენაზე და მას შემდეგ უკვე თეატრით ცხოვრობდა და თეატრით სუნთქვდა. გასული საუკუნის ოთხმოცდაათიანი წლების მიწურულში მარჯანიშვილი რუსეთში მიდის და იქ აგრძელებს თეატრალურ მოღვაწეობას, ასრულებს მთავარსა და წამყვან როლებს. მაგრამ თავისი აქტიური მოღვაწეობით მაინც კმაყოფილი არ არის, შინაგანი მოწოდება სარეჟისორო მოღვაწეობისაკენ უბნობს. პირველივე დადგმებით აღმოაჩინა თავისი თავი, მოხიბლა მასუბრები და საყოველთაო აღიარება მოიპოვა, როგორც ნიჭიერი და თავისთავადმა რეჟისორმა. კოტე მაშინვე მიიქცია ცნობილი ანტრეპრენორების უურაღებმა; პირველი რევოლუციის წინა ხანებში ნეჟლობინის მიწვევით რიგში მიდის და იქ მისი რეჟისორული ტალანტი მთელი თავისი მშვენიერებით იჩინებს თავს.

მარჯანიშვილის რიგაში მოღვაწეობა დაემთხვა რევოლუციური მოძრაობის აღშავლობას. იმ ხანად იქ ცხოვრობდა დიდი პროლეტარული მწერალი მაქსიმ გორკი, რომლის გავლენითაც მოწინავე ინტელიგენციამ აქტიურად დაუჭირა მხარი მუშათა განმათავისუფლებელ მოძრაობას. კოტე მარჯანიშვილიც მოწინავეთა რიგებში აღმოჩნდა.

1905 წლის 9 იანვარმა, — იგონებდა შემდგომში მარჯანიშვილი, — საბოლოოდ უველანი რევოლუციონერებად გვაქცია; რეპრეტივიდან პირდაპირ მიტინგებზე მივდიოდით და ვცდილობდით ჩვენი ადგილი გვეპოვა მებრძოლთა შორის.

კ. მარჯანიშვილმა ნახევრად გატაცება არ იცოდა. იგი მთელი არსებით გადაეშვა რევოლუციის ტალღებში და აქტიურად გახედა მის მშფოთვარე დინებას. მიტინგებიდან მიტინგებზე მიდიოდა, მგზნებარე სიტყვებს წარმოსთქვამდა, ხალხს თვითმპყრობელობასთან თავდადებული ბრძოლისაკენ მოუბმობდა.

ეს შემართების სულსკვეთება მან თეატრშიც შეიტანა. ახალგაზრდა რეჟისორს მშვენივრად ესმოდა ხელოვნების აქტიური როლი ხალხის შეგნების ამაღლებისა და მისი საბრძოლო სულსკვეთების გაღვივებაში, ცხოვრების გარდაქმნისათვის ბრძოლაში. რევოლუციური მოძრაობაში აღმოაჩინა მან ის ახალი სული, რომელიც თეატრს თავის ნამდვილ მოქალაქეობრივ მგზნებარებას უბრუნებდა. მის სპექტაკლებს გასაოცარი იდეური და ემოციური ზემოქმედების ძალა გაჩნდა, ისინი ორგანულად ერწყმოდნენ საზოგადოებრივი ცხოვრების საერთო მაჩისკვამს, იწვევდნენ მასურებლის სულიერ განახლებას და აღწევდნენ. რიგაში განხორციელებული პიესები — კლასიკური იყო ისინი თუ თანამედროვე — ახლებურად იყო წაკითხული, მასურებელს ისინი ხიბლავდნენ მოქალაქეობრივი პათოსითაც, ფერების სიმდიდრითაც, იდეური სითამამითაც და პოეტური სილამაზითაც. ახალგაზრდა რეჟისორის ტემპერამენტი, მისი მხატვრული ფანტაზია მომაჯადოებელი აღმოჩნდა, მასურებელი მთელი არსებით სპექტაკლის გავლენაში ექცეოდა, თავდავიწყებას ეძლეოდა, თეატრიდან სულგირად ამაღლებული გამოდიოდა.

და აი, იმ დროს, როცა მოსკოვის თეატრალური მიუზა თითქმის თვლემდა უცნობმა ახალგაზრდა რეჟისორმა მაშინდელი პროვინციიდან მ. გორკის „მოაგარაკენი“ ჩამოიტანა და მთელი თეატრალური სამყარო ამოძრავა, დიდი თეატრალური ქალაქის საზოგადოება აღტაცებაში მოიყვანა რეჟისორული გამოგონებლობით, დახვეწილი გემოვნებითა და მაღალი პროფესიული კულტურით. უცნობმა ახალგაზრდამ სწრაფად გაითქვა სახელი, მასში მაშინვე დაინახეს ნოვატორი ხელოვანი, რომელიც გაბედულად უპირისპირდებოდა რუსთას, ახალ გზებს კვლავდა. მარჯანიშვილის ხელოვნებაში მოსკოველებმა ახალი მაჩისკვამ იგრძნეს, მოინდომეს მისი მოსკოვში დატოვება, მაგრამ რეჟისორმა მომავალი სურსონი ისევ რიგაში გააგრძელა. შემდეგ სერგეი დაიწყო წარმატებით ჩაატარა კიევი, ოდესაში, მოსკოვში... კოტე მარჯანიშვილის რეჟისორული ავტორიტეტი და პოპულარობა იშვიათი სისწრაფით იზრდება; მშობლიური წლების მიწურულში უკვე საზღვარგარეთაც დაინტერესდნენ მარჯანიშვილის ხელოვნებით, საშუალებას არ იშურებდნენ, რომ გადაეხირონ იგი, მაგრამ სწორედ ამ დროს სამხატვრო თეატრის მიწვევა მიიღო და სხვა ყოველგვარ მაცდუნებელ წინადადებაზე უარი თქვა. სამხატვრო თეატრი კოტეს იდეალად ესახებოდა, იქ მუშაობა ოცნებად ჰქონდა გადაქცეული. და აი, ამაზე დიდად და მომხიბვლელი რა შეიძლებაოდა ყოფილიყო! თვითონ კი არ მიდიოდა იქ, ისინი იწვევდნენ!

სამხატვრო თეატრის ხელმძღვანელებს მარჯანიშვილი თავისი დამოუკიდებლობითა და თაოსნობით მოსწონდათ. სტანისლავსკი დიდად შეწუხებული იყო, რომ ირგვლივ ასეთს სხვას ვერავის ხედავდა. — რატომ არ იზრდება ჩვენთან დამოუკიდებელი მოღვაწეები, ნუთუ ჩვენ მათ ასე ვუშლით ხელს, — შეშფოთებული შესჩიოდა იგი ნემროვიჩ-დანჩენკოს.

კოტე მარჯანიშვილი-რეჟისორი მუდამ საინტერესო იყო სიახლის გაბედული და დაუოკებელი ძიებით. მის შემოქმედებაში ქართული და რუსული თეატრის საუკეთესო ტრადიციებს ორგანულად ერწყმოდა გრძნობა სიახლისა,

სუნთქვა ეპოქისა; მთელი მისი ძიება იქით იყო მიმართული, რომ უფრო მეტი გამომსახველობისათვის მიეღწია და თეატრი ეპოქის მოწინავე იდეების ღირსეულ მესიტყვედ ექცია, ყოველი სცენური სახე პოეტით გაეზობა, გაემსჯალა და მასურებლის გონებასთან ერთად მისი გულიც დაეპყრო, „თავისი სულიერი სამყარო სხვის სულში გაეხსნა“.

ა. ლუნჩარსკი, მიმოვლენდა რა თვალს იმდროინდელი რუსეთის თეატრალურ ცხოვრებას, ამბობდა: „ამ ფონზე კოტე მარჯანიშვილი მეტად ბრწყინვალე ფიგურად გამოჩნდა. თუ სხვები თეატრში ეძებდნენ ძალიან წმინდა, ნატიფ ფორმებს და ნიუანსებს, და გაუაქინებელი იმპრესიონიზმის გამოჩინებას ლამობდნენ, მარჯანიშვილს, ქართული ტემპერამენტით, შემოქმედდა ცხოველმყოფელობა, ბრწყინვალე ფერები, რეალობა და, ამ ზრით იგი, როგორც რეჟისორი, უფროდ გამოჩნდა, უცბადვე ჩამოაყალიბა თავისი სახე“.

კოტე მარჯანიშვილის შემოქმედებითი ტალანტი განსაკუთრებული ძალით დიდი ოქტომბრის რევოლუციის შემდეგ შლის ფრთებს. სოციალისტურ რევოლუციაში დაინახა მან თავისი მოქალაქეობრივი და ესთეტიკური იდეალების განხორციელების რეალური შესაძლებლობანი. მარჯანიშვილის თეატრალური ტემპერამენტი ღრმად, ორგანულად შეეთვისა რევოლუციას და მის თანაზომიერ გამომხატველ სტილად იქცა. ჭერ ისევ სამოქალაქო ომის ქარიშხალი მდგინდვარება, როცა ქ. კიევი მან პირველი რევოლუციური სპექტაკლი „ცხვრის წყარო“ დადგა. შემართების პათოსით გაუღმთილი ეს სპექტაკლი გასაოცარი ძალით აუღერდა და „ბრწყინვალე გამამხნეველ წარმოდგენად გადაიქცა“. კოტეს მოღვაწეობა კიევი მეტად ნაყოფიერი გამოდგა, მისი სპექტაკლებით მოხიბლული მასურებელი აღტაცებას ვერ ფარავდა. ისინი გაოცებული უყურებდნენ ძლიერსა და უჩვეულო სანახაობას.

ქართული თეატრის ისტორიაში კი კოტე მარჯანიშვილის როლი განუზომელია. ჩვეულებრივად მას ქართული თეატრის განმაახლებელს ვუწოდებთ, მაგრამ თუ ღრმად ჩავუყვირდებით იმას, თუ რა მდგომარეობაში იყო მაშინ ქართული თეატრი, როცა კოტე საქართველოში ჩამოვიდა, აშკარა გახდება, რომ მისი როლი გაცილებით დიდია. ქართული თეატრი მძიმე კრიზისს განიცდიდა, ყველას ზღელი ჩაქნეული ჰქონდა და გამოსავლს ვერ ხედავდნენ. მარჯანიშვილი მოვიდა როგორც მხსნელი, როგორც მესია. დაიხ, მოვიდა და ქართულმა თეატრმა მეკრძღი ლაღად გაშალა. მძლავრად დაიწყო სუნთქვა მისმა „ცხვრის წყარო“, რომლის დადგმის 50 წლისთავი დიდი რეჟისორის დაბადების 100 წლისთავის ზეიმს ემთხვევა, დასაწყისი მისცა ქართული თეატრის ისტორიის ახალ ერას. ამავე დროს, გააცოცხლა და განამტკიცა საყოველთაო იმედები, რწმენა საყოველთაო ძალებისადმი. მარჯანიშვილმა შექმნა ქართული საბჭოთა თეატრი, ამ სიტყვის ფართო მნიშვნელობით. მის მიერ მოტანილმა შემოქმედებითმა მაღლმა გაანაყოფიერა ნიადაგი და სულ მალე გაჩნდნენ ნიჭიერ შემოქმედთა მთელი თაობები, რომლებმაც ეროვნული სასცენო კულტურა მწვერვალზე აიყვანეს. თითქოს მარჯანიშვილის მოსვლას, მისი ჯადოსნური ხელის შეხებას ელოდნენ, რომ მთლიანად გამოემუღავნებინათ თავისი შემოქმედებითი ინდივიდუალობა ახალგაზრდა რეჟისორებსაც და ახალგაზრდა მხანობებსაც. სულ უცბად, თითქოს ვულკანმა ამოხეთქაო, მანამდე რომ მოკიზრობდა აკვირ ჩანდა, ახლა გამოჩნდნენ ძლიერი ნიჭის ადამიანები, ერთი მიზნით გამსჭვალულნი და სხვადასხვა ხელწერის ხელოვანნი. მეტიც შეიძლება ითქვას. კოტეს გამოჩენის შემდეგ უკვე ცნობილ რეჟისორებსაც კი აღარ შეეძლოთ ემუშავათ ძველებურად. მათაც ათასი თავსატეხი და საზრუნავი გაუჩნდათ.

კოტე მარჯანიშვილმა შექმნა რუსთაველის თეატრი, რომელიც შემდეგ მისი უნიჭიერესი მოწაფის დიდი რეჟისორის სანდრო ახმეტელის ხელმძღვანელობით ახალ სიმაღლეზე ავიდა. კოტემ შექმნა თავისი სახელობის თეატრი, რომლის მოღვაწეობაშიც მთელი სიძლიერითა და სილამაზით გამოჩნდა დიდი რეჟისორის ნიჭის მშვენიერება.

მარჯანიშვილის სპექტაკლებმა ამაღლეს ქართული თეატრალური კულტურა და მთელი საზოგადოებრივი აზრი მოძრაობაში მოიყვანეს. კოტეს საუკეთესო სპექტაკლები დღესაც მსოფლიო სასცენო ხელოვნების მწვერვალს მიეკუთვნება, მათ დღესაც არ დაუპარავთ ღირსება — გამამდიდრონ ჩვენი თეატრალური შეგნება და გამოიწვიონ ახალი ფორმების ძიება.

მარჯანიშვილის თეატრის მიღწევებით თავბრუდახვეული თეატრალური საზოგადოებრიობა ერთსულოვნად აღიარებდა, რომ თავისი მაღალი კულტურით, მდიდარი გამოგონებლობით, დახვეწილი გემოვნებით ამ თეატრმა დიდად გაუსწრო დროს, რომ მარჯანიშვილმა თანამედროვე პირობებში, ერთერთმა პირველმა გადაჭრა სწორად ეროვნული თეატრის პრობლემა, რომ ეროვნულ ტრადიციებზე დაყრდნობით ქართული თეატრი მაღალსაკაცობრიო სიმაღლეზე აიყვანა.

შემთხვევითი როდია, რომ კ. მარჯანიშვილის „ურიელ აკოსტა“ დღესაც ახალივით აუღერდა და სრულყოფილი მხატვრული ფორმებით დღესაც დაატყვევა როგორც ქართველი, ისე რუსი — მოსკოველი და ლენინგრადელი მაღალმომთხოვნი მასურებელი.

ქართული თეატრი იცავს და ავითარებს მარჯანიშვილის სახელოვან ტრადიციებს. იმ გამარჯვებებში, რომლებსაც ახლა ჩვენი თეატრი აღწევს, მუდამ ვჭკრტობ დიდი რეჟისორის აჩრდილს. ჩვენი წინსვლისათვის მასაც ვუმაღლით.

მარჯანიშვილის მიერ გადადებული თესლი კვლავ ღვივის და იფურჩქნება.

იპრემია ქარელიშვილი

საქართველო ეზოპოსტოს თავით



მე რეჟისორი ვარ...

მამ ასე, 1903-4 წელი ჩემი აქტიურობის უახასაწელი წელიწადია!
გამარჯვებამ რეჟისორობაში, თავმომწონებამ ოცდაათი წლის ახალგაზრ-
დისა, რომელიც სრული ბატონ-პატრონია დიდი თეატრისა, სადა როდ გადას-
წყვიტა ჩემი სვე-ბედლი: ამერიიდან მე მხოლოდ რეჟისორი ვარ!
მეტი ზავითანობისათვის წვერი მოვეუშვი და ასე მოვევლინე 1904 წელს
მოსკოვის თეატრალურ ბაზას: სწავთა შორის, წვერი ძალიან საჭირო იყო: თემ-
კა ოცდაათი წლისა ვიყავ, მაგრამ გარეგნობა, ცოტა არ იყოს, ქათმის ქუ-
ჭულისა მქონდა. აბა, რა შთაბეჭდილებას მოვახდენდი გარეგნობით იმ დარ-
ბაისელ აქტიორებზე, ვისთვისაც მე უნდა მეხელმძღვანელა? არ უნდა დავი-
ვიწყოთ, რომ ეს იყო პერიოდი რუსულ თეატრში გაჩაღებული ბრძოლისა
დამოუკიდებელი რეჟისურის დამკვიდრებისათვის.

გორკიმ მე დამიჯარა

მასხვს, „წითელი მანტიის“ ერთ-ერთ რეპეტიციას დავესწარი. პიესას
სდგამდა ნეზლობინი, მთავარ როლებს ამ პიესაში თამაშობდნენ თეოფან ნეზ-
ლობინი და ანდრეევა. მე არ დამამაჯაროვია როლების მათმა განმარტებამ,
და, რადგანაც მკითხეს, რა აზრის ვიყავი, მე, ცოტა არ იყოს, დარცხვენით
გამოვთქვი ჩემი მოსაზრებანი. პიესის გარჩევამ ისე გამიტაცა, რომ ვერ შეე-
ნიშნე, როგორ შემოკრებილიყო ჩვენს გარშემო მთელი დასი. მოსულყო
გორკიც. გავათავე ჩემი სათქმელი და უეცრად თვალი შევაღვე გორკის, რო-
მელმაც მომმართა: „თქვენც აიღეთ და ხელახლა დადგით პიესა“ („А вы не
хязли да переставили пьесу!“)... გორკიმ, იმ მაქსიმ გორკიმ, რომელსაც
ყველა აღმერთებდა, რომლისადმი თაყვანისცემის გრძნობა დღემდისაც ცოც-
ხალია, მე დამიჯარა!.. თავბრუ დამესხა...

გადასწყვიტეს, რომ რიგაში „წითელ მანტიის“ დადგმაში მე საჭირო შეს-
წორებებს შევიტანდი. ამის შემდეგ ალექსეე მაქსიმოვიჩი ძალიან ხშირად ეს-
წვებოდა ჩემსა და ნეზლობინის თათბირებს წინამდებარე სეზონის გამო.

მოსწრებულნი პასუხი

არ შემიძლიან არ გავიხსენო სტარაია რუსაში მომხდარი ერთი ანეკდო-
ტური ამბავი. გორკის ერთ-ერთი პიესის რეპეტიციაზე ვიყავი. ვზივარ პარ-
ტერში, ვაკვირდები მსახიობებს. თურმე ლოყაში, ფარდის იქით ზის მაქსიმ
გორკი. ერთ-ერთი მსახიობი — ნიკოლოზ ნიკოლოზის ძე მიხაილოვსკი —
შვილი ცნობილი პუბლიცისტის ნ. კ. მიხაილოვსკისა, აცხადებს პიესის გამო:
„დასწყველოს ეშმაკმა! რა პიესაა! როგორა სწერს ნიკიერი ადამიანი ასეთს
საძაგლობას?“ მოულოდნელად ლოყის ფარდა გადაიწვეა და გამოჩნდება
გორკის სახე: „ხომ მი-გვხსენებთ, ხდება ხოლმე, რომ ნიკიერ მამას სულელი
შვილი ებადება!“...

პირველი წარმოდგენა

პირველი წარმოდგენა! არ გაგვიმართავს სუჯარო გენერალური რეპეტი-
ცია, როგორც ეს მოსკოვშია მიღებული. ამიტომ დარბაზი სავსეა ევრეთო-

დებული მხატვრული მოსკოვით; ევრეთოდებულები დიდი პრესა. საუბრე
სო კრიტიკოსები, მთელი სატახტო ქალაქის რეჟისურა, არტისტები, მწერლე-
ბი, მხატვრები, კომპოზიტორები, მუსიკოსები და, რასაკვირველია, მთელი
პლუტოკრატია — ყველა აქ არის...

გადაიწია ფარდა — დარბაზში სიჩუმეა. ისე მაქვს დაძაბული ნერვები,
რომ საშინელება... მაგრამ წარმოდგენა მტკიცედ მიმდინარეობს...

ანტრაქტია — არაფერი მახსოვს... გამოწვევა, ოვაციები, ხელის ჩამორ-
თმევა, კონცა... გონს მოველ მხოლოდ კაბინეტში, სადაც მოვიდნენ ჩემთან გა-
საცნობად სტანისლავსკი, ნემიროვიჩი, იუჟინი. აუარებელი მსახიობი, კრიტი-
კოსები... მოლოცვები, ქება და განკვირება, რომ პროვინციულმა თეატრმა
შესძლო ეჩვენებინა მოსკოვისათვის ასეთი წარმოდგენა. ფ. ა. კორში იქვე თა-
ვის თეატრში მიწვევს, მაგრამ მე განვუცხადე, რომ ნეზლობინს არ დავტო-
ვებ.

წარმოდგენის შემდეგ მოულოდნელად ბანკეტი მოეწყო „პრალაში“. სწო-
რედ ერთი წლის წინათ ყველასათვის უცნობი, ნახევრადმშვიერი მსახიობი
და ახლად-დამწყები რეჟისორი დღეს იმავე მოსკოვში ვისმენდი პროფესორ-
ბის, კრიტიკოსების, არტისტებისა და თეატრის ფასმდებელთაგან სადღეგრძე-
ლოებს და ქათინაურებს. არის ადამიანის ცხოვრებაში დიდებული დღეები!
მოსკოვმა თითქოს მცნო მე!

ვჭირდი იმავე მერხზე, რომელზედაც რუსო წერდა.

ევროპის სხვადასხვა კუთხეში ორი თვის ხეტიალის შემდეგ ჩავედი შვეი-
ცარიაში — კლარანსში, ენევის ტბის ნაპირას, სადაც ამ დროს ჩემიანები
ცხოვრობდნენ. მეზობლად ცხოვრობდა იდა რუბინშტეინი, რომელმაც მომ-
მართა თხოვნით, მომეზადებინა იგი უაღრის „სალომეს“ პარიზში დასად-
გმელად სალომეს როლში. ცეკვას უღამადა მ. მ. მორდკინი. დეკორაციები
ბაკსტა დაუწერა.

აქვე, კლარანსში დავიწყე ჩემი „მკვდართა კუნძული“, რომელიც ისევ
როგორც სხვა ჩემი ნაწერები, არასდროს დასაბეჭდად განზრახული არა მქო-
ნია და არცა მაქვს. ამ დრამატულ პოემას დიდის გატაცებით ვწერდი, მით
უფრო, რომ ვწერდი იმავე მერხზე მკდომი და იმავე ჭანდრის ქვეშ, ტბისპი-
რად, სადაც ეან-ჟეკ რუსსო წერდა თავის „ახალ ელიოზას“.

ასე გაიარა დრომ აგვისტომდე, როდესაც იტალიას მივაშურე. მაგრამ იტა-
ლიაში ხელოვნებაზე მუშაობა როგორღაც მეჩოთირა. აქ თითოეულ ნაბიჯზე
გაფანტულია დიდებულ ხელოვნათა აუარებელი ნაწარმოები, და მათ გვერ-
დით ჭონდრის კაცის შემოქმედება მას თვითონვე სირტხილში აგდებს.

ახლოვდებოდა სეზონი და მე ოდესისაყენ ვასწიე.

ჩემი სამუშაოს მზე

მე ვგრძნობდი, როგორ იღვიძებდა ჩემში ჩემი სამუშაოს მზე.

დიახ, თითქოს ცხადად ვგრძნობდი მისი მცხუნვარე სხივების ფრქვევას!
გულითადი მადლობა დიად რუსეს! მან მომცა დიდი ჩაწვდომის უნარი,
უნარი ადამიანის სულის კუნძულებში ჩახედვისა. რუსეთში მიმავლია ჩემი არ-
სების შიგნიდან ცხოვრების განჭვრეტას, მის მზერას ჩემივე სულიდან და ეს
ქმნა ვრუბელმა! მან მასწავლა ჩემს მკერდში შეუცნობ ქვითინთა გაგება,

ეს ჰქმნა სკრიპინმა! გულითადი მადლობა მას, ჩემს ავიორე სამშობლოს, მადლობა მშვენიერ რუსეთს! მაგრამ მის მშვენიერ სუსხიან დღეებს არ ჩაუტოვებ ჩემში მოგონებანი მშობლიური მთების ქვათა მხტვალეობაზე. მის თილისმურ თეთრ ლამეებს არ გაუციაგებიათ შავი, ხავერდოვანი, მკვდარი ვარსკვლავებით უხვად მოთქვილი ცის მედიდურება. მის მშვიდ გულკეთილობას წუთითაც არ გაუნელებია მშობლიური რიტმები, ქართული ტემპერამენტი, ფანტაზიის თავშეუკავებელი სრბოლა, რაც მომცა მე ჩემმა პატარა, საყვარელმა საქართველომ!

ახლა მე უკვე ვამთავრებდი კეთილისმყოფელი ძიების პერიოდს და გამოვდიოდი დამოუკიდებელ გზაზე.

ქეშმარიტად, „ცხოვრების ბოქვალეობაში“ პირველი ჩემი ქართული წარმოდგენა იყო.

თეატრის უკვდავების საიდუმლოება

თეატრს აქვს ერთი საოცარი თვისება, რომელიც არც ერთ სხვა ხელოვნებაში არ მეორდება; ეს ისაა, რომ მსახიობის შემოქმედება, ერთი მხრივ, და ჩვენი, მაყურებელის ათვისება, მეორე მხრივ, ერთსა და იმავე დროს ხდება. ყველა სხვა ხელოვნებაში შემოქმედის მიერ განცდის მხატვრულ სახეს ჩვენ ვღებულობთ გაცილებით უფრო გვიან, როგორც მისი ურანაობის და აზრის ნაყოფს, ხოლო მსახიობის სულს ჩვენ უშუალოდ ვეხვებით, ავირ მხატვრული აღწევების ჩასახვის წამში. ამაში არის ისეთი უსაზღვრე საიდუმლოება, ისეთი ძალა, რომელიც არც ერთ სხვა ხელოვნებას არა აქვს. და რა არის საკვირველი ამის შემდეგ, რომ ჩვენ ყველაზე მეტად გვიყვარს ისინი, ვინც თავისი მეობის უმაღლეს წუთს, შემოქმედების მომენტში ნებას გვაძლევს მივუახლოვდეთ მის სულს და, ამრიგად, თითქოს გავინაწილოთ მისი შემოქმედების საიდუმლოება.

აი, აქ არის არსებითი განსხვავება კინოსა და თეატრის შორის. აი, ამის გამო არის, კინო მაქსიმალური მიღწევის დროსაც ვერ გასწევს თეატრის მაგიერობას. ამიტომ არის, რომ თეატრი არასდროს არ მოკვდება, რაც უნდა ილაპარაკონ ამის შესახებ.

ელეონორა დუზის ხელები

ელეონორა დუზე დიდი ხელოვანი იყო, უდიდესი თეატრალური შემოქმედი.

მთელი მისი ტანი მეტყველებდა, მთელი თავისი არსებით იგი გადმოგცემდა სიხარულს ან მწუხარებას. მახსოვს, როცა პირველად ხელში ჩამივარდა დანენციოს წიგნი „მკვდარი ქალაქი“, მე მეწყინა ავტორის ვულგარული მიძღვნა — „ელეონორა დუზეს მშვენიერ ხელებს“. მაგრამ, როცა შემდეგ ვნახე ეს ხელები, მე მივხვდი ამ მიძღვნის დიდ მნიშვნელობას.

მართლაც, ეს მშვენიერი ხელები მეტყველებდნენ და შეუდარებლად გადმოგცემდნენ ყველა მისი გრძნობის უნაზეს ნიუანსს. როგორ შეიძლება ამ ხელების დაფიქსება „სასტუმროს დიასახლისში“, როცა იგი მათ საკოცნელად უწვდის სამ კავალერს, ეს ხელები დასციხონდნენ სულელებს, იმდენი ირონია იყო მისი თითების ყოველ მიმოხვერაში.

როგორ უნდა ვითავაზოთ ჰამლეტი

ჰამლეტიდან დაწყებული აზრდობამდე ყველანი ადამიანები უნდა იყვნენ.

თეატრალურად მომავდინებელი შეცდომა იქნება, რომ მარტო „ჰამლეტის“ მშვენიერებას და სიდიადეს დავემყაროთ და ვიფიქროთ, რომ ამით ვამარჯვებამო ვივითვებით. საქმე ის არის, როგორ ვითამაშებთ ამ უაღრესად ფილოსოფიურ ტრაგედიას. უნდა ვითამაშოთ ისე, რომ თეატრალობას, სკენიურ სიმართლეს არც ერთი წუთით არ ვუღალატოთ და მასინ ჰამლეტის ფილოსოფია ყველასთვის გასაგები იქნება. რა არის ამისათვის საჭირო? — ადამიანური გრძნობა და კიდევ და კიდევ ადამიანური გრძნობა.

ჰამლეტი, ჩემი აზრით, უწყინდესი ადამიანია — სინდისი, რომელიც მოკადობებულ წრეში ჩავარდა: იგი სტანჯეს, თვით იტანჯა და როდესაც სინდისმა-მსახურმა თავის გარშემო ყოველივე სიღამბლე ამოაშრო, ის უკვე გაცვდა ამ ბრძოლაში და სამოქმედო ასპარეზს ახალს, უფრო ძლიერ ფორტიბრასს უთმობს.

მთავარი პირობა: ჰამლეტის შესახებ კრიტიკული წერილების კითხვას თავი დაანებეთ, განსაკუთრებით ჰამლეტის შემსრულებელმა, და მხოლოდ თქვენს სახეებზე იფიქრეთ...

სტილი დაირღმის? და, დაირღმის...

თვით შექსპირს სიკვდილ-სიკოცხლის პრობლემა მრავალნაირად აქვს დაყენებული: იმდენად ძლიერია განსალი სიკოცხლის შეგრძობა, რომ ადამიანი საფლავის თბრის დროსაც კი დასკინის სიკვდილს. ეს სიხარული, ეს სიცილი მაყურებელსაც უნდა ვაგრძნობინოთ და აქ რაც უფრო მახვილი იქნება ფორმა, მით უკეთესია.

მაგრამ როგორ შევძლოთ ეს? რა საშუალება აქვს ამისათვის ჩვენს კოლექტივს? რა თქმა უნდა, არა დანიის შესაფლავეთა ასახვა, რომელთა სახეებს ვერ ვიცნობთ, არამედ საკუთარი წიაღიდან გამოსვლა. ასეთი ხერხით მიზანს უფრო მივადწევთ. მესაფლავეთა ფილოსოფია მსოფლიოში ხომ ერთია?... რა იქნება, რომ იმერელი და კახელი მესაფლავე ვითამაშოთ? სტილი დაირღმევა? დაე, დაირღვეს, ოღონდ ეს სიხარული და სიცილი გამოვიწვიოთ. ნუ შეშინდებით, ეს ჩემი დანაშაული იყო!

„ცხვრის წყარო“

(სიტყვა პირველი რეჟისორის წინ)

ისტორიულ ექსკურსს რომ არ გამოვუდგეთ და ჩვენი ახლო დროის თეატრებს გადავხედოთ, შეგვიძლია შემდეგი დასკვნა გამოვიტანოთ: თეატრი და არტიტი დასცილდა თავის პირდაპირ დანიშნულებას. იგი იქცა არა ცხოვრების სამკაულად, სიხარულად, დღესასწაულად, არამედ მოსაწყენ ნივთად, ყოველდღიურ ილუსტრაციად, სამუზეუმო ნაშთად, რომლის გადაღავნის შემდეგ შეიძლება შეიგრძნოთ ხელოვნება. ხელოვნება კი უშუალო წყარო და მიზნობა შემოქმედებისა. არავითარი ტრაქტატით არ იქნება თქვენთვის მისაღები ბეთ-ჰოვენი, მოცარტი, თუ ვერ იგრძნვით გულით მათი ნაწარმოები.

ხელოვნება ყოველთვის აღწევს ადამიანის გულს. ეს თუ ასეა საერთოდ ხელოვნებაში, თეატრში — მით უმეტეს, რადგან თეატრი უშუალოდ ჰქმნის პირდაპირ მაყურებლის თვალისწინ სპექტაკლს, ხელოვნურ ნაწარმოებს. მაშასადამე, აქ უფრო რთული პრობლემის წინაშე ვდგავართ იმ მხრივ, რომ ისე მოვაზნალოთ სპექტაკლი, მაყურებელი ჩავითრიოთ შემოქმედების პროცესში, თუღან თეატრის შემოქმედება იმ დროს იწყება და იმ დროს თავდება, როდესაც ფარდა აიწევა და დაიხურება.

ჩვენს წინაშე ლოპე დე ვეგას „ცხვრის წყარო“. რით არის იგი საინტერესო? უპირველეს ყოვლისა, თანამედროვეთათვის, რადგან თანამედროვეობის გარეშე თეატრი არ არსებობს.

ნუთუ იმით არის საინტერესო ეს პიესა, რომ სოფელ ცხვრის წყაროს გლეხებს ავიწროვებს კალატრავის ორდენის ტირანი და შემდეგ კონფლიქტში კეთილმოწყალებ მეფე ჩაურევა და თავის კურთხეულ ხელით ხალხს ტირანი მკვლელობას აპატიებს?!

არა, ამით კი არა, არამედ ამ სიტუეტის ისეთი გამოყენებით, რომ დღევანდელი მაყურებელი დაერაზმობთ. ხალხს თუ რაიმე საფრთხე მოულის, მან კოლექტიურად გასცეს პასუხი მტერს. მაშინ მსახიობების კითხვაზე — ვინ მოკლავა გომეც? პარტერდან მივიღებო გულწრფელ შეძახილს:


— ფუენტე ოვექენა!

აი ჩემი დაღმის მიზნობრივი მხარე.

შემდეგ... საქმე მარტო სიუჟეტი, ე. ი. ის კი არაა, „რას თამაშობ“, არამედ — „როგორ თამაშობ“... აი ამ „როგორ თამაშობ“ მკვლავდება ფორმაც და შინაარსიც... როგორ უნდა ვითამაშოთ „ფუენტე ოვექენა“?...

ყოველი მსახიობი უპირველეს ყოვლისა თეატრალურ, არტიტულ სიხარულს უნდა განიცდიდეს და შემდეგ წარმოადგენდეს დაკისრებულ როლს, არა ვსიქოლოგიური დაფორილმანებით, არამედ არტიტული ნერვით. ამ მხრივ შექსპირის შემდეგ ლოპე დე ვეგას „ცხვრის წყარო“ შესანიშნავ მასალას იძლევა თეატრალური ქმედობისათვის, ვინაიდან ერთი ფერით კი არ არის პიესა დაწერილი, არამედ მასში სინათლე და ჩრდილი ელვასავით ენაცვლებიან ერთმანეთს მთელი პიესის მანძილზე. აჰა, თითქოს ესა თუ ის ადგილი უმაღლეს მანეთს მთელი პიესის მანძილზე. აჰა, თითქოს ესა თუ ის ადგილი უმაღლეს ტრაგიზმამდე ავიდა და... მას კომიკური მდგომარეობა ცვლის, აი ეს მთავარი ხაზი პიესისა უნდა დავიცვათ თითოეული როლის განსახიერების დროს. მაშინ სპექტაკლი მოსაწყენი აღარ იქნება და ეროვნულწინადაც თავს დავადწევთ





კობო მარჯანოშვილი.



ხევსური.

დავით გაბიტაშვილი

საქართველოს სს რესპუბლიკის დამსახურებული მხატვრის დავით გაბიტაშვილის შემოქმედებას ჩვენი საზოგადოებრიობა კარგად იცნობს. მისი ნამუშევრები მუდამ იქცევენ ურადღებს როგორც რესპუბლიკურ, ისე საკავშირო გამოდენებზე.

მხატვრისათვის მთავარია გადმოსცეს თავის ტილოებზე საბჭოთა ეპოქის სული, მისი ადამიანების მისწრაფებები; იგი აცოცხლებს თავის კმნილებებში საქართველოს ბუნების თვალწარმტაც სურათებს; მისი უაღრესად შინაარსიანი ფერწერული და გრაფიკუ-

ლი ნამუშევრები, იმავე დროს, შეტყველებენ ატორის მაღალ ოსტატობაზე, იმ შესანიშნავ რეალისტურ ტრადიციების ორგანულ ათვისებაზე, რომელიც საღუყვლად უღვს საბჭოთა სახვითი ბელოვნების ზრდასა და წინსვლას.

დავით გაბიტაშვილი წარმატებით მუშაობს დეკორატიული მხატვრობის დარგშიც.

ამჟამად მხატვარი მუშაობს ნაწარმოებთა ახალ ციკლზე, რომელიც ეძღვნება საბჭოთა კავშირის შექმნის ნახევარსაუკუნეოვან იუბილს.




სვანეთი.



სეიზავი.



მის ჩასვლა



ლეონარდო და ვინჩის პორტრეტი.



ნატურმორტი.



ლიტერატურა კავშირები

მხატვარი თ. სამსონაძე

რამუხ კობიაძე

მთხრობა

— მამაჩემმა ასეთი უკუღმართი სახელი რომ და-
ბარქვა, ამიტომ გამოვდი მეც ასეთი წყალწაღე-
ბულიო, — თქვა ერთხელ კაპიტოლინა ცენტრა-
დემ. იმ წუთში რაღაც უცნაურ ხასიათზე იყო და
თავისთავზე სიმართლე წამოსცდა. სხვა დროს კი
მისგან ასეთ სიტყვებს ვერ გაიგონებთ. სხვა დროს
ამ ქვეყანაზე მარტო ის ერთი კვიციანიც, განათლე-
ბულიც და პატოსანიც. სხვები — ყველანი უზ-
ნენი, უმეცნისნი და უმეცარნი არიან.

შესახებდავ კაპიტოლინა ნამდვილად ღმერთს
არ უქნია. ერთი რაღაც უფერული, გამხდარი,
ჭრელთვალე და ძვალმსხვილია. არა, ადამიანი
უსახურობით არ დაიწუნება. მაგრამ ამას უსახუ-
რობასთან ერთად სიბოროტეცა სჭირდა. მისი საქ-
ციელის შემხედვარე იფიქრებდით, ეს ქალი ამ
ქვეყნად მარტო იმისათვის მოსულა, რომ გარშე-
მო მყოფებს სიცოცხლე გაუმწაროს.

ცოდნა დიდი არაფერი ჰქონდა. ძლივს რაღაც
ორწლიანი კურსები მოახრჩო ქუთაისში. დიპლო-
მის მიემასაც არ უპირებდნენ, მაგრამ ჩვენი აღ-
მასკომი ჩაერია — გვიშველეთ, სკოლაში მასწავ-
ლებლები გვაქვია, ოღონდ მაგას უდიპლომოდა ნუ
გამოუშვებთ და მერე ჩვენს გლახას ჩვენვე მო-
ვევლით. დიდის ვაივავაობით, როგორც იქნა,
ერთი დიპლომი საკაპიტოლინადაც გამოიმეტეს
და ჩვენი სკოლაში მასწავლებლად გამოამწესეს.

შემოდგომაზე სკოლაში სწავლა დაიწყო და
იმავე დღეს კაპიტოლინას საქციელი მთელი სოფ-
ლის სალაპარაკო შეიქნა. სკოლაში კოჭებამდე ჩა-
ფარტხუნებული შავი კაბით გამოცხადდა, — მოკ-
ლე და მხიარული ფერის კაბა რომ ჩავიცვა, მო-
წაფეები — ვითომ ვაყები, — აღელდებიან და
სწავლას გულს ვეღარ დაუდებენო. მაგრამ ეს კი-
დევ არაფერი. ამასთან კიდევ ერთი, ყოვლად უმ-
სგავსო საქციელიც ჩაიდინა.

დილით სკოლისაკენ მიმავალი კაპიტოლინა სხვა
მასწავლებლებს წამოსწევია. ამ მასწავლებლებში
ერთი ქალაქელი გოგონა — იამზე ერია. კარგი მო-
გეცათ, კარგი ის გოგო იყოს: ზრდილობიანი,
გულისხმიერი, მკოდნე. ქალაქიდან სწორედ იმ
შემოდგომაზე გამოამწესეს. ერთხელ დედ-მამამაც
ჩამოაკითხა. ეტყობოდა, სათუთად ნაზარდი ჰყავ-
დათ და უმისობა გაუჭირდათ.

კაპიტოლინამ გზად მიმავალ იამზეს ხელი გაუყა-
რა და მეგობრულად მოიკითხა, — როგორა ხარო.
სკოლამდე ასე, ტბილი მასლაათით მივიდნენ.
მაგრამ როგორც კი სამასწავლებლოში შეადწიეს,
უცბად კაპიტოლინამ იამზეს ხელი გამოაცალა,
სკამთან მივიარდა, ზედ დაასკდა და ცივი ხმით იკე-
ლა:

— წყალი! მიშველეთ! წყალი!...
მასწავლებლებმა იფიქრეს, ეს ქალი ჰქუიდან
ხომ არ შეიშალაო.

— რა იყო, კაპიტოლინა, რა დაგემართა?!..
— წყალი!.. წყალი-მეთქი ერთი ამას შეჭხედეთ!..
ზარემ მუხლებიც გადმოჰყაროს! წყალი! მიშვე-
ლეთ!... მე მოწაფეები ვზარდო, მე ისინი სწორ
გზაზე დავაყენო და ამან... ამან... უიმი, ამას რას
ვხედავ!..

საწყალ იამზეს ფერი ეცვალა. კუთხეში მიიჭუქ-
კა და გულსაკლავად ატირდა. არადა, ისეთი არა-
ფერი კაბაც არ სცმია, — უბრალო ღვინისფერი
შალის კაბა იცვა, როგორსაც ყველა ქალები იც-
ვამენ.

სხვა მასწავლებლები კაპიტოლინას მივიარდნენ,

— ქალო, რა გაკივლებს, რა მოგივიდა, შენი თავი
სად გგონიაო. მაგრამ — თქვენც არ მომიკვდეთ!
რომ გააბა, გააბა და გააბა! ბოლოს კი წამოხტა და
მაგიდას მუშტები დაუროთ, — ახლავე, ამ წუთ-
ში წავიდეს და კაბა გამოიცვალოს, თორემ არაფ-
რისდიდებით გაკვეთილზე არ შევეალ და ამ ამ-
ბავს რაიონსა და სამინისტროს შევატყობინებო.

ხომ არ ეხუმრებთ, ნასწავლი ქალი ბრძანდება!
დიდი გზები იტის! მაგ უღელუჭოს, ალბათ, ქუთაის-
ში საწყალეს, მასწავლებელს წესიერად უნდა მც-
ვასო, ამან კი სათავისოდ გამოიყენა. იფიქრა, ამ
გოგოს მე ცოდნითა თუ ბავშვებთან მიდგომით
ვერ ვაჯობებ და ისევ სხვანაირად უნდა დავჩაგ-
როო.

ერთი სიტყვით, ჩვენი სკოლის დირექტორმა
ვარლამ დიდებულოდემ დიდი გაჭირვებით დააშოშ-
მინა. პირდაპირ ემუდარა, ამ შენს წივილ-კვივლს
მოწაფეებს ნუ გააგონებო. კაპიტოლინას რომ
ამას ეუბნებოდა, ვარლამი თან იამზეს თვალს უპა-
ტუნებდა — ყურადღებას ნუ მიაქცევ, მაცალე, და
მე მოვეუღვი ამასო.

როგორც იქნა, დიდი ვაივავაობით კაპიტოლინა
დააშოშმინეს. წამოდგა, ერთი ყლუპი მოსვა, —
კიოომდა, გული ცუდად მაქვსო, იამზეს მიუბ-
რუნდა და თითის აწევით უთხრა:

— მე, ჩემო კარგო ქალაქელი გოგონა, ამხანა-
გობაც ვიცი, მეგობრობაც და გატანაცო. შენ აქ
ახალი ადამიანი ხარ და თუ რამეში დაგჭირდები,
წრფელი გულით გიმეგობრებო. მაგრამ ეს კი იცო-
დე ჩემგან, — არც ერთ შეცდომას, იოტისოდენ-
საც კი არ გააპტიებ და საერთო საქმის სარგებ-
ლობისათვის, ჩვენი მოზარდი თაობის ინტერესების
გულისათვის ყოველთვის პირუთენელად და დაუნ-
დობლად გააკარტიკებო.

საკლასო ჟურნალი აიღო თურმე, და დიდის ამ-
ბით სამასწავლებლოდან გამობრძანდა.

ვარლამი და სხვა მასწავლებლები ახლა საწყალ
იამზეს მივიარდნენ და იმ უმსგავსოს მაგიერად ბო-
დიშის მოხდა დაუწყეს. ასეც უნდა ექნათ. ქალაქე-
ლი მასწავლებლები მაინცდამაინც არ გვანებო-
რებენ; სოფლისაკენ პირს ათასში ერთი თუ იზამს
და თუ ვინმე ხეირიანს ეღირსე, უნდა გაუფრ-
თხილდე...
— იამზეს თავისი სიკეთე აქაც გამოუჩენია. უთ-
ქვამს, რა გუყვით, ცხოვრებაში ყველაფერი შეგხ-
ვდება და უნდა აიტანო. ჟურნალი აუღია, ცრემ-
ლები მოუბანია და თავის კლასში წასულა.

ვარლამ დიდებულოდემ მეორე დღესვე რაიონში
გაიქცა და ითხოვა, ის ჯოჯოხეთის მაშხალა მომა-
შორეთ, თორემ სკოლაზე პასუხს არ ვაგებო.

განათლების განყოფილების გამგემ ჯერ უსმინა
გაცეცხლებულ ვარლამს, უსმინა, უსმინა, მერე წა-
მოვარდა და მაგიდას მუშტი დაახალა: თქვენ არ
იყავით, ტყინი რომ ამომჰამეთ, ადგილობრივი კად-
რები და დიპლომიანი მასწავლებლები გვეჭირდებო-
ბო?!.. ეგეც თქვენ ადგილობრივი და ეგეც თქვენ
დიპლომიანი! მაგ თქვენ კაპიტოლინა ცენტრაძეს
ახლა დიპლომი უღვევს ჯიბეში და თანამდებობიდან
მე კი არა, მამა ღმერთიც ვეღარ მოხსნის. გაბ-
რუნდი, ძამია, როგორც გინდოდეს, ეგ ქალი მას-
წავლებელს ისე დაამსგავსე, და სანამ დირექტო-
რობიდან არავის გაუთავისუფლებოხარ, სკოლაზეც,
მასწავლებლებზეც და მოწაფეებზეც პასუხს შენ
აგებო.

საწყალი ვარლამი კრიკამეკრული დაბრუნდა
რაიონიდან.

იმ დღიდან დაიწყო.

იმ ქუსლმოქცეულმა საიდანაც გაიგო, ჩემი
მოხსნის უფლება აღარავისა აქვსო და... როგორც
იტყვიან, გაიმინდვრა: სიტყვები არ გეყოფათ იმის
ასაწერდ, თუ რამდენ უმსგავსობას სჩადიოდა. გან-
საკუთრებით იამზე ამოიჩემა, თანაც — დაუკვირ-
დით, — ერთხელაც არ წამოსცდენია, მე ეგ გოგო
მძულს, მაგისი მტერი ვარ და არ გაეახარებო. არა,
პირიქით, ყოველ ნაბიჯზე სიყვარულს ეფიცებოდა
და თან ყოველ ნაბიჯზე „საერთო საქმისა და მო-
ზარდი თაობის ინტერესებისათვის“ პირდაპირ სი-
ცოცხლეს უმწარებდა. ისეთი ამ ქვეყნად არაფე-
რია, რომ კაპიტოლინას იმ გოგოსათვის არ ეკად-
რებინოს.

ერთხელ სკოლაში მასწავლებლების ნაკლებობა
შემემთხვათ და ვარლამმა გადაწყვიტა, იამზეს კიდევ
ერთ კლასს მიეუმატებ, მოსწავლეებისთვისაც კარ-
გი იქნება და გოგოსაც ხელფასი მოემატებო.
ვარლამმა იცოდა, რომ კაპიტოლინა ერთ აურხა-
ურს ასტებდა, და მასწავლებლებს მოეთათობრა,
მხარი ერთსულოვნად დამიჭირეთ, რომ მაგ შევ
დღეზე გაჩენილს ვაჯობოთ და საქმე აღარ გამი-
ჩანჯლდესო.

ბედგოგოური საბჭო შელაძებულზე შეიკრიბა.
კაპიტოლინა თავის გრძელ შევ კაბასა და შევ ხელ-
თათმანებში გამოწყობილი (იმ ხანებში ხელთათ-
მანები ტარებდა დაიწყო) ყველაზე ბოლოს შე-
მობრძანდა, კუთხეში დაჯდა და დამსწრეები რა-
ღაცნაირად, მხიარულად შეათვალიერა. ვარლამმა
მას ყურადღება აღარ მიაქცია, საბჭოს სხდომა გახ-
სნა და განაცხადა, იამზეს კიდევ ერთი, მეშვიდე
კლასი უნდა მიეუმატათო.

— კარგი საქმე იქნება, — შეაშველეს აქეთ-იქი-
დან.

— კაცმა რომ თქვას, ეგ მარტო დირექტორის
საქმეა, მაგრამ რაკი ჩვენ პატივს გვცემ და გვტყ-
ყობინებ, კეთილი. თანახმა ვართ და მხარს ვი-
ჭერთ!

— იამზესთვისაც კარგი იქნება, მოსწავლეების-
თვისაც და მთელი სკოლისათვისაც.

გაწითლებული იამზე კუთხეში, თავჩალუნული
იჯდა და სიხარულის ღიმილს ვერ იკავებდა.

— მამ გადაწყვეტილია! — მოსჭრა ვარლამმა.
მაგიდიდან რაღაც უნდა აეღო. იმ წამსვე რაღაც
საშინელი ბრავანეი მოისმა. გულგახეთქილებმა მი-
იხედეს და დაინახეს: კაპიტოლინა იატაკზე გათ-
ხლამულიყო და უძრავი თვალები ჭერისთვის გა-
ეშტერებინა. ფეხები გაეჩახჩა და ხელებიც ფარ-
თოდ გაეშალა.

— არქა! — ვარლამმა ამის დაძახებაც ძლივს
მოასწრო. ყველანი წამოიშალნენ, კაპიტოლინას
მივიარდნენ, წამოაყენეს, სკამზე დასვეს, წყალი
აქურეს და თითქოს მოასულიერეს. მაგრამ იმან
თვალები უაზროდ მიატრიალ-მოატრიალა და...
თავი ისევ მწიფე მტევანით ჩაჰკიდა.

— რა დაემართა?... — ვარლამი მაგიდასთან
წელში მოხრილი იდგა და ეს იქიდან იკითხა.

მას არავინ უპასუხა. ყველანი და თვითონ ვარ-
ლამიც მიმხდარი იყო, რომ კაპიტოლინა მსახი-
ობობდა.

— აბა, წყალი კიდევ ასხურეთი, — მიამხა ვარ-
ლამმა, თვითონ სკამზე დაჯდა, წყალი დაისხა და

ქოსვა. სულ ცოდვილო, ხელები, თურმე, მაინც უკანკალებდა.

— ვაიპ!.. — ამოიკენესა კაპიტოლინამ და მიხაბული თვალები ვარლამს მიაპყრო, — წყალი... წყალი მიშველის?!.. მე ახლა... წყალი მიშველის?!.. ვაიპ!..

და ისევ თავი ჩაპკიდა.

ვარლამმა ხელი ჩაიჭინა, წამოდგა, კუთხეში მივიდა. გაჩერდა და გულხელი დაიკრიფა. რა უნდა ექნათ? ხმაგაქმნილები იდგნენ, ხან ერთმანეთს მისჩერებოდნენ და ხან კაპიტოლინას. მეტი არაფერი.

იამზე უცბად წამოხტა, გაეარდა და კარი გაიჭახუნა.

მას არავინ დადევნებია. სულ ცოდვილო, ზოგმა, იქნებ, ისიც იფიქრა, — ეჭ, ჩემო იამზე, შენგან გვეპირს ეს ყველაფერი, ვითუ, ისევ ის სჯობდა, სხვა შენი ტოლებივით შენც ქალაქში დარჩენილიყავი, ვამზირი გეტყვენა და ჩვენ კი ამ დღეში არ ჩაგვედეთო.

კოტა ხნის შემდეგ კაპიტოლინამ თვალები გაახილა და თავი ასწია. მიხედ-მოიხედა და... ლოყაზე ხელი მიიღო:

— ის ბავშვი რა უყავით?!

— ვინ ბავშვი, ქალო?!

— იამზე!.. იამზე რა უყავით!.. არიქა, თავს არაფერი მოსწიოს!.. ვაიპ!.. ვაიპ!.. — ბარბაკით წამოდგა, რამდენიმე ნაბიჯი კარებისაკენ გადადგა და... ისევ იატაკზე გაიშხლართა და თვალები ჰერს გაუშტერა.

— ვადით, ახლავ იამზე მოქბენეთ! — უბრძანა ვილაცს ვარლამმა. სხვები ისევ კაპიტოლინას მივარდნენ, წამოაყენეს და სკამზე დასვეს. მათემატიკოსმა ისონ გარაყანიძემ ველარ მოითმინა და ერთი ჰიქა წყალი კაპიტოლინას სახეში ერთბაშად შეასხა.

— ნუ მიიმუნობ, ქალო! — დაუვიტრა მან კაპიტოლინას. კაპიტოლინამ თვალები გაახილა. წყალი წურწურით ჩამოსდიოდა ლოყებზე და კისერზე. მაინც მოახერხა და ისონს მიბნედილ შეხედა თვალბეში.

— იატაკზე აღარ წამოითხლაშო! — ისონმა თითი გამწარებით დაუქნია.

— ვაიპ!.. — კაპიტოლინამ თვალები მილულა და ისევ თავი ჩაპკიდა.

— ვაი შენ და არ გათენება! — ისონი გარეთ გამოვარდა და კარი გამოიჭახუნა.

ამასობაში ვარლამიც საბოლოოდ დამშვიდდა. კაპიტოლინასთან მივიდა, მიუჭდა, ნიკაზე თითი ამოსდო და თავი აუწია.

— შემომხედე თვალბეში! ასე! — აბა, ახლა ბრძანე, რა გემართება?

კაპიტოლინამ არაფერი უპასუხა. თვალები გადაატრიალა და ისევ თავი ჩაპკიდა.

— მითხარი, რა გემართება? — ვარლამი კაპიტოლინას გვერდით მიუჭდა, — მე ხომ მიცნობ. ცუდი შენთვის არაფერი გამოიკეთებია. სულ მხარში გედექი, გეხმარებოდი... მითხარი, აი, გთხოვ, ადამიანურად მითხარი, რა გემართება?

კაპიტოლინამ არაფერი უპასუხა.

— დავიჯერო, შენ, ასეთ გულკეთილ ადამიანს, გეწყინა, რომ იამზე ეს ერთი კლასი მიუშვამტე? მერე რა ვუყოთ? დაჩაგრული არც შენ გვეყვებარ. შენ ხნობაზე იმის ნახევარიც არ მქონდა, შენ რომ ახლა გაქვს. იამზე პატივისცემის ღირსია... კარგად მუშაობს! ნივთიერადაც უჭირს. დედ-მამამ რომ ჩამოაკითხა, ერთი ბოთლი ღვინის ფული აღარ ჰქონდა, თურმე ჩვენ ვერ გავვიბედა და დარაჯს ესესხა. დედ-მამამ კი რა ჰქნას? სამსახურში ჩამ-

დგარი შვილი კიდევ აქეთ შეინახოს? და შენ? შენ! რა გაცილია? საკუთარ სახლში არა ხარ, ეზო-ვარემო არ გივარგა, თუ წლიდან წლამდე რამე შემოგაკლდება? ან იმას იტყვი, იამზე კლასს ვერ გაუძღვებაო. არა, ამას ვერ იტყვი. ყველა ვხედავთ, როგორი მასწავლებელია... შენც ხედავ... ჰოდა, აბა, მითხარი, რა გემართება?..

კაპიტოლინამ არც ახლა უპასუხა. მიბნედილი თვალები მიატრიალ-მიატრიალა, ხელთათმანიანი ხელი ძლივს-ძლივს, ნაზად, ასწია და ერთ მასწავლებელ ქალს თითით ანიშნა — მოდი და გვერდით მომიქეჩო. ქალი კოტა კი დაიბნა, მაგრამ მაინც მივიდა და მიუჭდა. კაპიტოლინამ მას ხელი მოხვია და თავი მხარზე მიამჯინა. ქალი გაისუსა და რომ არ გასცილებოდა, ტუჩს კბილები დააჭირა.

ვარლამმა გაანჩხლებით ხელი ჩაიჭინა და წამოდგა. მაგიდასთან მივიდა და იქიდან გამოაცხადა:

— ჰედაგოვიური საბჭოს სხდომა დამთავრებულია! — წამოდგნენ. ვისაც რაიმე ჩასაცემელი ჰქონდა, — პალტო თუ მოსასხამი, — ჩაიცვეს, ქულები დაიხურეს და გამოვიდნენ. კაპიტოლინას არავინ დამშვიდობებია.

— შენ აქ დარჩები, თუ სახლში წახვალ? — ჩიქურ ჰკითხა ვარლამმა კაპიტოლინას.

კაპიტოლინამ არ უპასუხა.

— იცოდე, გარედან გასაღები ჩაგკეტავ!

— ჩამკეტე... — წაიჩურჩულა კაპიტოლინამ და იმ მასწავლებელ ქალს უფრო მაგრად მოეხვია, — ჩამკეტე... მაინც ჩაქეცი ვარ და გზა არსითა მაქვს... ჩამკეტე და... ბარემ ბოქლომიც დამაღდე!

ვარლამმა ეს კი ველარ მოითმინა, გარეთ გავარდა და კარები ისევ მიაჭახუნა, რომ მთელი ოთახი შეინძრა.

კაპიტოლინა არც განძრეულა.

წარმოიდგინეთ, საწყალი ვარლამი იმ დამეს რა ყოფაში იქნებოდა. დილაზე თვალი არ მოუხუჭავს, ლოგინში წრიალებდა, ოხრავდა და რალაც გაუგებარს ბურტყუნებდა. დილით სკოლაში ადრინად ჩამოვიდა, ახლომახლო მცხოვრები მასწავლებლები იხმო და სასწრაფო, ასე ვთქვათ, შინაურული თათბირი გამართა.

— რა ვიღონოთ, ხალხო? სკოლა სკოლას აღარ ჰგავს.

— აღარ ჰგავს! — დაუდასტურეს აქეთ-იქიდან.

— აწი უარესი მოგველის.

— იცოცხლე! რამდენ ვინმეს საათს მიუშვამტე, სულ ასეთი კომედიები გათამაშდება.

— და შენ არ იფიქრო, ვარლამ, ეგ უმსგავსი მართო იამზეს ერჩოდეს. ამას წინათ ჩემს მოწაფეებთან შებარბაცებულა, — მე კოტა შემავიანდა, — და უთქვამს, ელენე-მასწავლებელს კოტა ალგებრა უჭირს და თუ რამე კარგად ვერ ავიხსნათ, ჩემთან მოდით და ყველაფერს გაგავებინებთო. ერთი მითხარით, მაგის დახმარება მჭირდება?

— ახლა მე? შენთვის ფარულად მაინც უკბენია, მე კი აღარც მომერიდა. სახლში მეხალა, შედამებულზე, და... ჰე!.. არც ვიცი, გავიმეორო თუ არა... ერთი სიტყვით, ჰუის დარიგება დამიწყეთ: სილიბისტრო ამყოლაძის გოგო, ნათელა, — ჩემი მოწაფე, მეცხრეკლასელი, — ნაადრევად დაამწიფებულა. შენ ჭერაც ჭანიერი კაცი ხარ და თუ გული სხვანაირად შეგექმნას, შენი ჰირიმე, არ დამკლა, სული არ წაიწყმიდო და გოგო არ გააუხედურო. სკოლას სახელი არ გაუტუტებო. ასე, ა, პირდაპირ ყელგამოწეული მეხვეწებოდა!

— შეხედე შენ!

— ხა-ხა-ხა!

— კაცო, ეს სასაცილოა?!

— სასაცილოც არის და სატირალიც!

— ვაი, ამ დღეს!

— ხალხო, თქვით, რა ვიღონოთ, ა? — ვარლამმა კითხვა გაიმეორა და გულხელი დაიკრიფა.

არავინ არაფერი უპასუხა. ან ვის რა უნდა ეთქვა? ყველა ხედავდა, თუ ვარლამი როგორ უხერხულ მდგომარეობაში იყო. ბოლოსდაბოლოს, რის ღირებურობი ხარ, თუ ის ვერ მოგხივრებია, რომ ახალგაზრდა, მონდომებულ, ღირსეულ მასწავლებელს ერთი კლასი მიუშვამტო და ნივთიერი მდგომარეობა გაუშვამტო. არადა, ვარლამს რომ თავისი გავტანა და იამზე ბრძანებით დაწინაურებინა, ვინ იცის, კაპიტოლინა რას არ დააბრალებდა და თავისი საჩივრებით სანამდე არ ივლიდა. ასე უხეიროდა ვართ ადამიანები მოწყობილი. გალანძღვისა და ცილისწამების გვეშინია. კურდღელისა არ იყოს, ხომ გახსოვთ? „დაგვედავენ და მერე ეძიე, კურდღელი ხარ, თუ სახტარიო“. ვარლამი ოჯახის პატრონი, ორი მოწიფული ქალიშვილის მამა იყო. სოფელშიც და რაიონშიც კარგი სახელი ჰქონდა. ჰოდა, მოგესხებნათ, სახელი რა ძნელი მოსავლეა. ერთი ბეწო, სულ დაუმსახურებელი ლაქა და...

— რა ვქნათ, ხალხო? — ისევ ეკითხა ვარლამმა, — მითხარით, რა ვქნათ? ქალაქმა ასეთი კარგი ბავშვი გამოგვიგზავნა და ვერ მოვუაროთ? ერთი საათი ველარ მიუშვამტოთ?

— მიუშვამტე. — უთხრეს აქეთ-იქიდან.

— მიუშვამტე! ადვილი სათქმელია... — ვარლამი წამოდგა და ოთახში გაიარ-გამოიარა, — ეგ ადვილია, ჭერ ბრძანებს დაეწერ, ხელს მოვაწერ და... მორჩა. მაგრამ ეგ გარეწარი მერე რალს იზამს? ჩემი თავი ჯანდაბას, ეს ცხოვრება თითქმის გავაჯახირე და ღირებურობასაც როგორმე შეველევი, მაგრამ მაგ უმსგავსმა ეგ ბავშვიც რომ არ დაინდოს?

— არც დაინდობს. — ისევ უთხრეს აქეთ-იქიდან.

— შენც არ მომიკვდე!

— დაინდობს კი არა, სასიკვდილოდ გაიმეტებს.

— ტალახში ამოსვრის.


— გაანადგურებს.

— ჰოდა, რა ვქნათ?! — ვარლამი მაგიდას მიუჭდა, — მითხარით, რა ვქნათ?!

არავინ არაფერი უპასუხა. ბარე ათი თუ თხუთმეტი წუთი ყველანი ხმაამოუღებლად ისხდნენ. გამოსავალი ვერაფერს ეპოვნა. მერე გაცვეთილების დაწყების დროც მოვიდა. ზარის ხმაზე წამოდგნენ, ყურნალები აიღეს და თავიანთ კლასებს მიამუხრეს. სხვათა შორის, იამზე იმ დღეს სკოლაში არ მოსულა. ვილაც ბავშვის პირით შემოეთვალა, თავის ტიკვილი ამიტყდა და ბიულეტენზე გადამიყვანეთო.

ვარლამმა სხვა ველარაფერი გააწყო და ნაშუადღევს რაიონში წავიდა, მიჩიონ, ან, ბოლოსდაბოლოს მიბრძანონ როგორ მოვიქცეო. მაგრამ რაიონში აუტყეპარი თავი არავინ აიტყევა, — სკოლის ღირებურობი შენა ხარ და საათებიც შენ გაანაწილეო. ვარლამი დაზაფრული ამობრუნდა, ლოგინში ჩაწვა და ერთი კვირა სკოლას არ გააკარებია.

არ ვიცი, დამიჯერებთ, თუ არა, ის ერთი ზედმეტი საათი ახლაც გასანაწილებელია. ხან ერთი მასწავლებელი ჩაატარებს, ხან მეორე და ხან მესამე. იამზემ გადაჭრილი უარი განაცხადა, მაგ საათს მე არ ავიღებო. არც სხვა მასწავლებლებს უნდათ. კაპიტოლინა კი ისე დაბრძანდება სკოლაში, თითქოს არც არაფერი მომხდარიყოს. იცის, რომ პასუხის მომთხოვნი არავინ ჰყავს. როგორ აკადრებენ? დიპლომიანი ქალია...



(ა ნახუცრიშვილის დაბადებიდან 70 წლისთავის გამო)

ნახუცრიშვილი საუკუნეზე მეტი დრო გავიდა, რაც გუგა ნახუცრიშვილი ერთგულად ემსახურება ქართულ საბავშვო მწერლობას, ნორჩი თაობის აღზრდის საქმეს; მწერალი ნორჩებზე ზრუნვაში გაპარაღადა, გადაიქცა მთ მესაიდუმლე და ოცნებათა თანაზიარად. მამის ხელი დაჰყვავა, მასზე ამბობდნენ: გუგას მამა დავითი ხომ თავის დროისათვის ცნობილი მწიგნობარი გახლდათ. მისი ორიგინალური თუ ნათარგმნი პიესები ხშირად იდგმებოდა ქართულ სცენაზე.

1933 წელს ცალკე წიგნად გამოვიდა გ. ნახუცრიშვილის საბავშვო მოთხრობა „მამამ გამომგზავნა“. ამას მოჰყვა „სილვა ვასილევია“ და რომანი „მეგლკაცა“. სულ მალე გ. ნახუცრიშვილმა მოზარდ მაყურებელთა ქართულ თეატრს წარუდგინა თავისი კომედია-ზღაპარი „ნაიარქეჟია“. ამ დროიდან ხსენებული პიესა სცენიდან აღარ ჩამოსულა — უკლებლივ შემოიარა რესპუბლიკის თეატრები; 1937 წელს კი მოსკოვის საბავშვო თეატრში დაიდგა. 1940 წელს მოზარდ მაყურებელთა თეატრების საკავშირო დათვალერებებზე ეს სპექტაკლი

წარუდგინეს მაყურებელს თბილისს, მოსკოვის, კალინინისა და გროზნოს მოზარდთა თეატრებში. მომდევნო წლების მანძილზე მაყურებელმა ნახა მისი „ლადო კეცოველი“, „ცეცხლის ხაზზე“, „სიკაბუე ბელადისა“, „ავლაბრის სტამბა“ და სხვ.

ფოლკლორის მოტივებზე აგებული პიესებიდან განსაკუთრებით აღსანიშნავია „კომბლე“, რომლის დადგმა თეატრმა 1939 წელს განახორციელა. ეს მშვენიერი სცენური ქმნილება გადაიქცა მოზარდ მაყურებელთა უსაყვარლეს სპექტაკლად. კომბლე — სიმართლისათვის თავდადებული მებრძოლია, გამოსული ხალხის წილიდან. მას არ ეშინია აშკარად ამხილოს თვით მეფე და ანგარიშიც გაუსწოროს მას ლტაცთა ჩაგვრისათვის.

გ. ნახუცრიშვილის ზღაპარი-კომედია „ქინჭრაქა“ თანამედროვეობის მწვევე პოლიტიკურ საკითხებს ეხება. მან შემოიარა მთელი ჩვენი ქვეყანა და ყველას მოუტანა სიხარული და სიამოვნება, უფროსებსაც და უმცროსებსაც. აი რას წერდა „ქინჭრაქას“ დადგმის თაობაზე ჟურნალ „თეატრის“ რედაქტორი იური რიბაკოვი: „ამ ლამაზმა და კეთილმა ზღაპარმა... ერთხელ კიდევ დაადასტურა ის ძველი ჭეშმარიტება, რომ ნამდვილი ხელოვნება საინტერესოა ბავშვებისთვისაც და მოზარდებისთვისაც“.

ღიდი ინტერესით მიიღო საზოგადოებრიობამ სულხან-საბა ორბელიანის ბრძნული იგავების სიუჟეტზე აგებული კიდევ ერთი საინტერესო ზღაპარი-კომედია „შაითან ხიხო“; გუგა ნახუცრიშვილის ამ პიესის დედააზრი ასეთია: რაც არ უნდა ძლიერი გვეჩვენებოდეს ბოროტება და ვერაგობა, ისინი მაინც უძლურნი და უსუსურნი არიან სიმართლისა და სიკეთის წინაშე, ნათელი მუდამ დამარცხებს ბნელს.

ნიკო ფიროსმანაშვილზე მრავალი ბრწყინვალე ლექსი დაუწერიათ ქართველ პოეტებს, მისი შემოქმედების პოპულარიზაციის საქმეს ღიდი ამაგი

დასდეს ტიციან ტაბიძემ და გიორგი ლეონიძემ; მასზე შესანიშნავი მოგონებები დაწერა სახალხო მხატვარმა ლადო გუდიაშვილმა; მხატვრის შემოქმედებას მიეძღვნა არაერთი გამოკვლევა და მონოგრაფია, მაგრამ ამ დიდი ადამიანის სცენური სახის შექმნა დაკავშირებულია გუგა ნახუცრიშვილის სახელთან. ნიჭიერ დრამატურგს ღიდი ხანს მოსვენებას არ აძლევდა ეს თემა, ის ოცნებობდა აესახა ნიკოს ბედკრული ცხოვრება და მისი დაუცხრომელი სულის მღელვარება. დრამატურგმა კარგად გაართვა თავი ამ ამოცანას. წინასწარ მან შეისწავლა დიდძალი მასალა, იმ დროის თბილისის ყოფა, ფოლკლორი, ტრადიციები და ზნე-ჩვეულებანი. ამიტომაც მოხდა, რომ ფიროსმანაშვილის ცოცხალი და მიმზიდველი სახით წარმოსდგა ჩვენს წინაშე.

ფიროსმანაშვილის სცენური პორტრეტი ჩვენი დროის შესანიშნავი მსახიობმა სერგო ზაქარიძემ გამოძერწა სცენაზე. ეს იყო ნამდვილი პოეტური სახე, რომელმაც საპატიო ადგილი დაიჭირა ქართული თეატრის მატიაწეში.

ორიგინალურ პიესებს გარდა, გუგა ნახუცრიშვილს ეკუთვნის მრავალი ინსცენირება; ამას გარდა, მან თარგმნა მრავალი უცხოური პიესა, რომლებიც განხორციელებულ იქნა ქართულ სცენაზე.

გუგა ნახუცრიშვილი — მთესველი სიკეთისა თავისი მშვენიერი ნაწარმოებებით, თვითონაც კეთილი, სათნო და გულთბილი ადამიანია. მიუხედავად ხანდაზმულობისა, იგი კვლავ ხალისიანად ემსახურება თავის საყვარელ საქმეს. ეუსურგოთ ხანგრძლივი სიცოცხლე და ახალი შემოქმედებითი წარმატებანი ჩვენს გუგას, რომელმაც ესოდენ კეთილი კვალი დააჩნია ქართული საბჭოთა თეატრისა და დრამატურგიის ისტორიას.

გაიოზ იაპაშვილი

ჩვენი ერო

ალიო მირცხულავა ჩემი ახლო მეგობარი იყო. ბევრჯერ ვყოფილვარ მასთან, ერთად გვიმოგზაურია კახეთში, იმერეთში, სამეგრელოში, გურიაში, აჭარაში, აფხაზეთში. არსებობდა, სწორედ ამ მოგზაურობისას დავუახლოვდი პოეტს, რომელსაც ჭერ ისევ ოციან წლებში ახალგაზრდა მკითხველის გული დაპყრობილი ჰქონდა. მას, ქართული საბჭოთა პოეზიის პირველ გზის გამკვლევს და ერთ-ერთ ფუძემდებელს, ყველგან სიყვარულით ხვდებოდნენ.

მაშინ ნაძალადევის (ლენინის რაიონი) ვცხოვრობდი. მე და ჩემი მეგობრები — უორა გიორგობიანი, შოთა ჩხაიძე, პავლე ტატანაშვილი, შურა მთვრალაშვილი (შემდგომ საქართველოს კომპაზიზირის ცენტრალური კომიტეტის ხელმძღვანელი მუშაკები) პოეტს ჭერ კიდევ პირადად არ ვიცნობდით, მაგრამ ისეთი გრძნობა გვექონდა, თითქოს ჩვენი ძველი და ახლო მეგობარი იყო. ალბათ, იმიტომ, რომ მისი ბევრი ლექსი ზეპირად ვიცოდით. ეს ლექსები ზედმიწევნით ეხმაურებოდა ჩვენს სულიერ განწყობილებას.

1925 წლის გაზაფხულის ერთ მშვენიერ დღეს ალიო მირცხულავა, მაშინ მაშაშვილის გვარით ცნობილი, ნაძალადევის ახალგაზრდობას ეწვია. პლებანოვის სახელობის კლუბის ეზოში მუშა ახალგაზრდობას მოეყარა თავი, პოეტმა ყველას სათითაოდ ჩამოუარა, ხელი ჩამოართვა და გულითადად გაესაუბრა. შემდეგ ბიბლიოთეკის დარბაზში დავსხდით და გუგა და სჯ. ბაასი გაიმართა. ახალგაზრდებს აინტერესებდათ ლიტერატურის საკითხები, პოეტს შეკითხვას შეკითხვაზე აძლევდნენ, ისიც გატაცებით ლაპარაკობდა ახალი ლიტერატურის მებრძოლ ხანაიზე. განსაკუთრებული სიყვარულით ასხენებდა მიაკოვსკის სახელს. მაშინ ალიო მოსკოვიდან (იქ სწავლობდა ლიტერატურის ინსტიტუტში) ახალი ჩამოსული იყო, პირადად შეხვედროდა მიაკოვსკის და თავის შთაბეჭდილებებს გვიზიარებდა.

მეორედ ალიოს 1930 წელს შევხვდი გაზეთ „კომუნისტის“ რედაქციაში,

სადაც პარტიულ განყოფილებაში ვმუშაობდი. იგი განყოფილების გამგესთან, აკაკი ქაროსანიძესთან შეგობრობდა და რედაქციაში ხშირად მოდიოდა. მახსოვს, ერთხელ ესენინზე ჩამოგადო სიტყვა.

— ესენინი, — თქვა მან, — ძალიან მგრძნობიარე, გულდია და ალალი კაცი იყო. რევოლუციამდე კორექტორად მუშაობდა სტამბაში, სიამოვნებით იკონებდა იქ გატარებულ დღეებს, არაჩვეულებრივად უყვარდა საერთოდ, პოლიგრაფიის მუშაკები, ხშირად ხვდებოდა მათ.

უკანასკნელად ალიო ესენინს ერთ პატარა ღუშაში შეხვედრია. ცუდ გუნებაზე იყო. სიმართლე გითხრათ, არ მომეწონა ის წრე, ირვლივ რომ ეხვია და ვურჩიე, თბილისში წასულიყო, იქაურ მეგობრებთან სევდის გასაქარვებლად. ამის შემდეგ ესენინს თბილისში შევხვდი. ჩვენმა დედაქალაქმა მასზე დიდი გავლენა მოახდინა, სულ შეუცვალა განწყობილება. იგრძნობოდა, რომ ალიოს ესენინი განსაკუთრებულად უყვარდა.

1968 წელს ფართოდ აღინიშნა ალიო მირცხულავას დაბადების სამოცი წლისთავი. ამ თარიღს მეც გამოვეხმაურე, წერილი დავუბეჭდე ჟურნალ „დროშაში“ (№ 8). მასში ხაზგასმით არის გამოყოფილი „განგაში“, როგორც ახალი სიტყვა ქართულ საბჭოთა დრამატურგიაში. ავტორს ეს პიესა ძალზე უყვარდა და მისი გახსენება საოცრად ესიამოვნა.

— „განგაში“ ახმეტელს წარუვლდგინე, პიესას მაშინვე გაცივო და რამდენიმე საუურადღებო შენიშვნა მომცა. წამოვდექი თუ არა, მხარზე ხელი დამადო და ბრძანების კილოთი მითხრა: აქედან ფეხს ვერ გადადგამ, სანამ რაც გითხარი, არ გაასწორებო. ჩამკეტა თავის კაბინეტში, თვითონ კი სადღაც წავიდა. კარგი ხნის შემდეგ დაბრუნდა, გადახედა ჩემს ნამუშევარს და კმაყოფილმა „პატიმრობიდან“ გამანთავისუფლა.

მეორე დღეს მწერალთა კავშირში მითხრეს, რუსთაველის თეატრში გიმობენო. წავიდი. ფოიეში ემანუელ აფხაიძეს შევხვდი, ვკითხე, თუ იცი, რატომ მიხარებს ახმეტელი-მეთქი. შენი რა გითხრა, მაგრამ მე რომ რეპეტიციაზე დავგვიანებისათვის, აი ამ წუთში ტყავი გამაძრო, ეს კი კარგად ვიცი, ვანრისხებულა და ახლა გირჩევ ახლოს არ მიეკარო. ვიცოდი, რომ ახმეტელმა განრისხებაც იცოდა და რისხვის დაოყებაც. ამიტომ, გავბეჭდე და რეჟისორის სამუშაო ოთახის კარი შევადე. თვალში მომკრა თუ არა, მაშინვე ფიხზე წამოვდე, მომიხლოვდა, მკლავში ხელი გამიყარა და განზე გამიხმო. მიე-

ალკოჰოლი და ადამიანის ჯანმრთელობა

ალკოჰოლიანი სასმელების შხამი, უპირველეს ყოვლისა, ცენტრალურ ნერვულ აპარატზე მოქმედებს.

ადამიანის ყოველი მოქმედება მოძრაობათა ზუსტი კოორდინაციით ხორციელდება. ალკოჰოლი სწამლავს საკოორდინაციო ნერვულ მექანიზმებს — ნათხემს და მისგან გამოსულ გზებს, რის გამოც მთვრალი გაურკვევლად ლაპარაკობს, ლულულულებს, ბარბაცებს, რაიმე საგნის ხელში აღებისას გადაჭარბებულად გაშლის ხელს და ის დანიშნულების ადგილს ზოგჯერ ვერ აღწევს, რის გამოც საგანი ხშირად უგარდება ხელიდან.

მოძრაობათა კოორდინაციის მოშლის გამო მთვრალი ადამიანი ადვილად ეცემა, იზიანებს სხეულის რაიმე ნაწილს, სახიჩრდება, ან სიმალიდან გადმოვარდნის მსხვერპლი ხდება.

ალკოჰოლით გამოწვეული როგორც მწვავე მოწამულა ისე ალკოჰოლიანი სასმელების ხანგრძლივი გადაჭარბებული მიღება მრავალგვარ ავადმყოფობას იწვევს. ადამიანის ორგანიზმში არ არის არც ერთი ორგანო, რომელსაც სპირტიანი სასმელი არ აზიანებდეს, მაგრამ მათ შორის პირველი და განსაკუთრებული ადგილი ნერვულ სისტემას უპირავს.

ცნობილია ქრონიკული ალკოჰოლური მოწამულით გამოწვეული ნერვების მრავლობითი ანთება ე. წ. ალკოჰოლური პოლინევიტი. ეს ავადმყოფობა იწყება კიდურების პერიფერიულ სეგმენტებში უსიამოვნო შეგრძნებებით, ტკივლებით და კუჭნაწლავის აშლილობით; ამას მოჰყვება სისუსტე ოთხივე კიდურში, მეტად ფეხებში, რასაც დამბლა მოსდევს. დადამბლავებული კიდურების კუნთები ატროფიას (განლევას) განიცდიან.

მოძრაობის მოშლასთან ერთად შესამჩნევი ხდება ტკივლების გაძლიერება ან მგრძობელობის მოსპობა. ღრმა მგრძობელობის მოშლის გამო ავადმყოფს დარღვეული აქვს კოორდინაციული მოძრაობის უნარი და წონასწორობა.

ალკოჰოლურ პოლინევიტის ხშირად დაერთვის ფსიქიკური აშლილობა, რაც პირველად აღწერა გამოჩენილმა რუსმა ფსიქიატრმა ს. ს. კორსაკოვმა.

„კორსაკოვის ფსიქოზით“ შეპყრობილ ავადმყოფს დაკარგული აქვს მეხსიერება იმ ამბების მიმართ, რაც ახლო წარსულში მოხდა. ავადმყოფს არა აქვს ახლის დამახსოვრების უნარი, ავიწყდება ბოლოდროინდელი და ყოველდღიური ამბები, ხოლო შორეული ამბები კი შედარებით კარგად ახსოვს. დეზორიენტაცია ეხება დროს, სივრცეს და პიროვნებებს: ავადმყოფი ვერ ეტყვევა რომელი წელი, თვე, თვის რიცხვი და კვირის დღეა; არ იცის სად იმყოფება; ვეღარ აგნებს თავის ბინას; ვეღარ ცნობს ნაცნობ ადამიანებს და ა. შ.

„კორსაკოვის ფსიქოზისათვის“ დამახასიათებელია კონფაბულაცია. ეს ლათინური ცნება — „კონფაბულა“ სიტყვასიტყვით ნიშნავს — ვებოდო. ავადმყოფი წარსულს ყალბად, არეულდარეულად გადმოგვცემს. კონფაბულაცია აზროვნებისა და მეხსიერების მოშლის შედეგია.

ალკოჰოლური პოლინევიტი თანდათან ვითარდება რამდენიმე კვირის ან თვის განმავლობაში. თუ ავადმყოფი ალკოჰოლის მიღებას სრულიად შეწყვეტს, მაშინ პროცესი უკუგანვიითარებას განიცდის რამდენიმე თვის, ან 1-2 წლის მანძილზე. არის სიკვდილის შემთხვევებიც, როდესაც დაზიანდება ცთომილი ნერვის გულის ტოტები და დიფერენციალური ნერვი. ალკოჰოლური მოწამულისაგან გამოწვეული თავის ტვინის ღრმა ცვლილებების გამოსწორება შეუძლებელია.

ალკოჰოლიანი სასმელების მიღება, გუნება-განწყობის დროებითი აწვევის გამო, იძლევა შრომის უნარის მოჩვენებითი გაძლიერების სუბიექტურ შეგრძნებას, სინამდვილეში კი — ალკოჰოლის მცირე რაოდენობაც მნიშვნელოვნად აქვეითებს ადამიანის გონებრივი და ფიზიკური შრომის უნარს.

დათრობა, არსებითად, მწვავე ფსიქიკური აშ-

ლილობაა. ის ხშირად მიზეზი ხდება ბოროტმოქმედების ჩადენისა.

განსაკუთრებით სახიფათოა ე. წ. პათოლოგიური დათრობა, რაც მოსდევს ღვინისა, და არყის დიდი რაოდენობით მიღებას, უპირატესად იმ პირთა მიერ, ვისი ნერვული სისტემა არასრულყოფილად აღმოგებია. ამ დროს ადამიანის ცნობიერება აშლილია, ორიენტაცია დაკარგული აქვს, ემართება ჰალუცინაციები. პათოლოგიური დათრობის დროს ადამიანი ავსუნებულია, გარბის, იჩენს აგრესიულობას და შეუძლია ჩაიდინოს რაიმე ბოროტმოქმედება. ზოგჯერ ავადმყოფს იპყრობს შიში და სევდა, აქვს ბოდვითი იდეები და თვითმკვლელობისადმი მიდრეკილება.

პათოლოგიური დათრობა რამდენიმე საათს გრძელდება, რასაც მოსდევს ძილი. გამოღვიძებისას ადამიანს არ ახსოვს რა ჩაიდინა. პათოლოგიური დათრობა თითქმის ყოველთვის მთავრდება რაიმე მეტად უსიამოვნო შედეგით ან უბედური შემთხვევით და ის, ჩვეულებრივ, სასამართლო მედიცინის კვლევის საგანს წარმოადგენს.

ღვინის, არყის და სხვა ალკოჰოლიანი სასმელების ხანგრძლივი, სისტემატური, გადაჭარბებული მიღება იწვევს მრავალ ფსიქიკურ აშლილობას; ასეთებია ქრონიკული ალკოჰოლიზმი, ექვიანობის ბოღვა, თეთრი ცხელება, ალკოჰოლური ჰალუცინაციური შემოღობობა, გახანგრძლივებული ალკოჰოლური ბოღვა და „კორსაკოვის ფსიქოზი“. ალკოჰოლური ფსიქოზებს იწვევს თავის ტვინის ქერქის დაზიანება, მისი ფიზიოლოგიური წინასწარობის დარღვევა.

საქართველოში „თეთრი ცხელების“ შემთხვევები პირველად აღწერა ნ. ვეშაპელმა 1926 წელს. ავტორმა განიხილა ფსიქიატრიული ინსტიტუტის სამი წლის სტატისტიკური მონაცემები და ფსიქიკურად დაავადებულთა შორის ალკოჰოლური ფსიქოზით შეპყრობილთა მხოლოდ 2,3 პროცენტი აღმოაჩინა, მაშინ როდესაც სხვა ქვეყნების ფსიქიატრულ დაწესებულებებში ალკოჰოლური ფსიქო-

ზგად, რაღაც სათქმელი ჰქონდა, მაგრამ მსახიობებთან არ უნდოდა ეთქვა. კუთხეში რომ მივდევით, ხელი გადაშვია და მორიდებით მითხრა: ალიო, შენც პიესის სახელწოდება არ მომწონს, მკაფიოდ ვერ გამოხატავს ნაწარმოების იდეურ შინაარსს. ამაზე იფიქრე, დრო არ ითმენსო. ეს იოლი საქმე როდი იყო, როგორც ჩაფიქრებული მქონდა, სწორედ ისე დავარქვი და ახლა შემეცვალა? ბედზე, ყველაფერი სწორად გადაწედა. თვითონ ახმეტელმა მირჩია, იქნებ ასე აქოვებო და „განგაში“ შემომთავაზა. (სამწუხაროდ, ალიოს არ უთქვამს ამ პიესის პირველი სახელწოდება). სწორედ ამ სათაურითვე მალე წარსდგა ჩემი ნაწარმოები მაყურებელთა წინაშე. და, თუ პიესას წარმატება ხვდა წოლად, ამაში დიდი ღვაწლი მიუძღვის სახელოვან რეჟისორს... — დაასრულა ალიომ.

მეორე დღეს შევხვდი პოეტს და ვუთხარი: ყველაფერი, რაც კი მიახმე, გუშინ „განგაშის“ ირგვლივ, უბის წიგნაკში ჩავიწერე-მეთქი.

— ალბათ ოდესმე ჩანაწერს გამოაქვეყნებ და გთხოვ აუცილებლად აღნიშნო ჩემი მადლიერება კუკური პატარძისადმი, რომელმაც დიდი ამაგი დასდო პიესის დადგმას („განგაში“ დადგმა ეკუთვნის ს. ახმეტელსა და კ. პატარძის — ვ. ჯ.). ნაწარმოებს რეპეტიციის პროცესში აღმოაჩინა ხარვეზები, ისინი პატარძიმ შეავსო, მისი ოსტატობის წყალობით დაძვეული იქნა აგრეთვე გადასვლებში არსებული ნაკლიც. გამოცდილებით დავრწმუნდი, რაოდენ მართალი იყო დიდი ილია, როდესაც ამბობდა: დრამის შექმნა ყველა სხვაგვარ პოეტურ თხზულებაზე გაცილებით ძნელია. ერთი სიტყვით, ს. ახმეტელმა და კ. პატარძიმ, ამ ორმა შესანიშნავმა ადამიანმა და რეჟისორმა წარმადგინეს მაყურებლის წინაშე, როგორც დრამატურგი.

1971 წლის გაზაფხულზე წიგნის პალატის კომიტეტმა ალიო მირცხულავას ლიტერატურული მოღვაწეობის 50 წლისთავი ბუნების წიადში — სოფელ წოდორეთში აღნიშნა. წვეულებაზე მოწვეულთა შორის იყვნენ ო. ეგაძე,

ო. ჭელიძე, ე. მაღრაძე, ჯ. ლომაშვილი, შ. ნემსაძე და პოეტის პორტრეტის ავტორი, მხატვარი ტ. ბარდაძე. ისინი დიდი სიყვარულით ლაპარაკობდნენ ალიოს დამსახურებაზე, ხალხის საკეთილდღეოდ გაწეულ მის ღვაწლზე და იმ სიახლეზე, რაც მან მოიტანა ქართულ პოეზიაში. ალიო ყურადღებით უსმენდა მათ და დიდად კმაყოფილი იყო მეგობრების გულწრფელი სიტყვებით. პასუხად მან მცირე შესწორებით წაიკითხა რამდენიმე სტრიქონი ლექსიდან „სიკაბუჯე მეძახის“.

მეგობრებო, ყური მიგდეთ, გული მღერის, კ'დედ შერჩა ძველი სიმხნე, სიმაყვე, კ'დედ შერჩა ცეცხლის ხმა და ცეცხლის ფერი, არ ბერდება სიცოცხლე და სილაშავე!

ახლაც მესმის მისი ხმა და დღესაც თვალწინ მიდგას მამულის ძლიერი სიყვარულით ანთებული მისი სახე. ანა, მაშინ ვინ იფიქრებდა, რომ ჩვენ ყველანი გამოსათხოვარ სიტყვას ვამბობდით და რომ ეს ზეიმი ალიოს ცხოვრებაში უკანასკნელი იყო... ხუთი თვის შემდეგ იგი გარდაიცვალა.

ალიო პირად ცხოვრებაში საოცრად წყნარი, მშვიდი კაცი იყო, მაგრამ ძალიან მდებარე და ბოხოქარი საზოგადოებრივ თუ შემოქმედებით საქმიანობაში. ეს ჩანს კიდეც მისი ლექსებიდან, რომელთაც ახსიათებს იდეური სიმახვილე, თემატკური აქტუალობა, მგზნებარება, მელოდიურობა.

ალიო თავის დიდ ნიჭს მთლიანად ახმარდა მშრომელთა ინტერესებს, ხალხთა მეგობრობის განმტკიცებას. ეს იყო მისი, როგორც პოეტისა და მოქალაქის უდიდესი ღირსება.

ვლადიმერ ჯიშაძი

ზი 10-12 პროცენტს შეადგენს. საქართველოში ალკოჰოლური ფსიქოზის შედარებით ნაკლები მაჩვენებელი, ავტორის აზრით, უნდა აიხსნას ჩვენში არსის ნაკლები ხშირებით. ეს დებულება სადისკუსიოა, რადგან მოიპოვება სტატისტიკური მონაცემები ქრონიკული ალკოჰოლიზმისა და ალკოჰოლური ფსიქოზების მნიშვნელოვანი შემთხვევების შესახებ ლუდისა და ღვინის სმის დროსაც. როგორც ა. რაპპორტი აღნიშნავს, არსებითად მნიშვნელობა აქვს მიღებული აბსოლუტური ალკოჰოლის საერთო რაოდენობას და არა სპირტიანი სასმელის კონცენტრაციას.

ბოლო წლებში ჩვენში ალკოჰოლური ფსიქოზების შესახებ საყურადღებო კლინიკური დაკვირვებები ჩაატარეს პროფესორ ე. გობრონიძემ, მედ. მეცნ. კანდიდატმა გ. აბულაშვილმა და სხვებმა.

გადაჭარბებული და უზომო სმა ადამიანს მუდამ საფრთხის წინაშე აყენებს. სიმთვრალის დროს იცვლება მისი ქცევა და მოქმედება; მთავარი გადაჭარბებულად მხიარულია, ბევრს ლაპარაკობს, ერთსა და იმავეს იმეორებს, უშნოდ ოხუჩვობს, მღერის და ცეკვავს, მიუხედავად იმისა, აქვს თუ არა ამის უნარი. უმნიშვნელო მიზეზს იგი წონასწორობიდან გამოჰყავს, უჩნდება მიღრეკილება კონფლიქტისადმი, იპყრობს განდიდებისა და ყოვლისშემძლეობის მანია, ეკარგება შიშის გრძობა, ავიწყდება ზრდილობის ელემენტარული წესები.

პიროვნების ნერვული სისტემის თავისებურების მიხედვით სიმთვრალე შეიძლება სხვადასხვაგვარადაც გამოვლინდეს. მაგალითად, ზოგი ენამეტუცული — მდუმარე ხდება, მსაჩუღი გუნებ-განწყობა — ცრემლიანობით ეცვლება, უწყინარი კაცი მოჩხუბარი შეიქნება და სხვ.

ადამიანის ქცევაზე ალკოჰოლის გავლენის საკითხი იყო და დღესაც არის მეცნიერული კვლევის საგანი. აქ, პირველ რიგში უნდა დავასახელოთ ი. პ. პავლოვის და მისი თანამშრომლების დამსახურება.

უმაღლეს ნერვულ მოქმედებაზე ალკოჰოლის გავლენის ობიექტური, გვემიანი შესწავლა ი. პ. პავლოვის ხელმძღვანელობით დაიწყო მის ფიზიო-

ლოგიურ ლაბორატორიაში ჯერ პ. მ. ნიკიფოროვსკიმ და შემდეგ მ. კ. პეტროვამ.

1912 წელს, ამ მუშაობის დაწყებამდე, ი. პ. პავლოვი მეცნიერებათა აკადემიისადმი გავზავნილ წერილში აღიარებდა, რომ ალკოჰოლის მავნებლობის შესწავლა და მასთან ბრძოლა მეცნიერების გადაუდებელ ამოცანას წარმოადგენს. ი. პ. პავლოვი აღნიშნავდა, რომ ალკოჰოლის გავლენა იწვევს პირობითი რეფლექსური მოქმედების აშლას. ალკოჰოლი, პირველ ყოვლისა, მოქმედებს შეკავების პროცესზე, ხოლო ხანგრძლივი დროის განმავლობაში დიდი დოზები იპყრობს ავზნების პროცესსაც.

მაშასადამე, ალკოჰოლი არღვევს თავის ტვინის ქერქში მიმდინარე ძირითად ფიზიოლოგიურ პროცესებს და, ამგვარად, წარმოადგენს შხამს ცენტრალური ნერვული სისტემისათვის.

უმაღლეს ნერვულ მოქმედებაზე ალკოჰოლის გავლენის შესწავლა ფრიად საინტერესო და საკვანძო საკითხია ალკოჰოლიზმის მავნე გავლენის დასადგენად.

თბილისის სახელმწიფო სამედიცინო ინსტიტუტში ჩვენ, ა. გენინსთან ერთად, ჩავატარეთ დაკვირვება უმაღლეს ნერვულ მოქმედებაზე ალკოჰოლის გავლენის შესასწავლად და მივედით იმ დასკვნამდე, რომ პრაქტიკულად წანმრთელ ადამიანებში ალკოჰოლის მცირე დოზების (40 გრადუსიანი არყის 50 მილილიტრი) იწვევს შეკავების პროცესის დასუსტებას.

ალკოჰოლი არღვევს თავის ტვინის ქერქში მიმდინარე ძირითადი ფიზიოლოგიური პროცესების — ავზნებისა და შეკავების ნორმალურ მიმდინარეობას, მათ ურთიერთდამოკიდებულებას, ამით შლის უმაღლეს ნერვულ მოქმედებას, უჩვეულოს ხდის ადამიანის ქცევას. როგორც ალკოჰოლით მწვავე მოწამელის დროს, ისე მისი ხანგრძლივი გამოყენების პირობებში, რაც ადამიანის ფსიქიკური პროცესების დაკნინებასა და დეგრადაციას იწვევს.

ალკოჰოლიზმი აუქლებს არა მხოლოდ ადამიანის ფსიქიკას, არამედ ფიზიკურადაც ანადგუ-

რებს მას. ასე, მაგალითად, აკად. ი. ქუთათელაძემ შეისწავლა სიცოცხლის ხანგრძლიობა ალკოჰოლიან სასმელების მსმელთა და ალკოჰოლიკთა შორის და აღმოჩნდა, რომ ქრონიკული ალკოჰოლური ინტოქსიკაცია ძლიერ ამოკლებს სიცოცხლის ხანგრძლიობას.

მასვე ფრიად საინტერესო ცდები აქვს ჩატარებული ძალის ლეკვების ზრდაზე ალკოჰოლური ინტოქსიკაციის გავლენის შესახებ.

პროფ. მ. ასათიანის სახელობის ფსიქიატრიის სამეცნიერო-კვლევით ინსტიტუტში, აკად. ა. ზურაბაშვილის ხელმძღვანელობით, შ. გამყრელიძემ ექსპერიმენტულად შეისწავლა მწვავე ალკოჰოლური მოწამელის გავლენა ცენტრალურ ნერვულ სისტემაზე. აღმოჩნდა, რომ ასეთი მოწამელა იწვევს მძიმე დისტროფიული ხასიათის ცვლილებებს უპირატესად თავის ტვინის ქერქში, ქერქებზე კვანძებში და ნათხეში (პატარა ტვინში); მიკროსკოპულად აღმოჩნდა ნერვული უჯრედების გაფუჭება და დიდი პირამიდული უჯრედების შექმუხვნა.

საყურადღებოა, რომ ცენტრალურ ნერვულ სისტემაში პათოლოგიური ცვლილებები უფრო ძლიერია სპირტით და არყით ინტოქსიკაციის დროს, ვიდრე ღვინით მოწამელის შემთხვევებში.

ცხადია, სპირტი და არაყი მეტ მომწამელ გავლენას ახდენს საერთოდ ორგანიზმზე და კერძოდ კი ნერვულ სისტემაზე, ვიდრე ღვინო.

საკმარისი არაა ალკოჰოლისაგან გამოწვეული ცვლილებების შესწავლა, არამედ აუცილებელია ალკოჰოლისადმი მისწრაფების საწინააღმდეგო საშუალებათა გამოძებნა.

სამედიცინო მეცნიერებას ალკოჰოლიზმის საწინააღმდეგო მრავალი საშუალება მოეპოვება, მაგრამ მთავარია აღმზრდელითი ზომები, რომლებიც უნდა განახორციელოს ოჯახმა, სკოლამაც, წარმოებამაც. ალკოჰოლიზმს — ადამიანის ჯანმრთელობის ამ საშიშელ მტერს ყველა გზა უნდა გადაეუღებოდ.

პროფ. ალექსი მინდაძე
მეცნიერების დამსახ. მოღვაწე.

სკორგული კალიდოსკოპი

მწერლები და მოჭადრაკეები

პატიოსანი მეპარე

ისლანდიაში კარგა ხანია ასეთი კანონი მოქმედებს: დიდი შემოსავლის პატრონს ამ თანხის 55 პროცენტს ახდევინებენ. ამ კანონით ბევრი იყო უკმაყოფილო, მაგრამ ისლანდიის მთავრობა მას უცვლელად ტოვებდა მანამდე, სანამ... ცნობილმა მწერალმა პალდორ ლაქსნესმა ნობელის პრემია არ მიიღო.

ლაქსნესი, ისევე, როგორც ყველა სხვა ისლანდიელი, დაბეგრეს. მამინ მწერალმა იხუმრა: „კიდევ კარგი, თამბაქოს ფული რომ დამიტოვებ, ამისათვისაც დიდ მადლობას მოგახსენებთ“.

ლაქსნესის ხუმრობა ყველამ გაიგო. უხერხულ მდგომარეობაში ჩავარდნილმა მთავრობამ ამიერიდან ასეთი შესწორება გამოაქვეყნა: „მწერლებისათვის გამონაკლისი იქნას დაშვებული. ისინი მხოლოდ 35 პროცენტით იქნენ დაბეგრავილინი“.

როდესაც სპასკი — ფიშერის მატჩი მიიწურა, ფიშერმა განცხადებით მიმართა ისლანდიის პრეზიდენტს: ასეთი დიდი თანხის გადახდა დაენანა და მისი შემცირება ითხოვა. პასუხიც მალე მოვიდა. აქ ნათქვამი იყო, რომ გამონაკლისის სახით ფიშერი და სპასკი გაუთანაბრდნენ... მწერლებს.

„ბრისტოლ როუერისის“ პროფესიული გუნდის მეკარე ესმონდ მილაიონს 300 გირვანქა სტერლინგი შენთავაზეს, თუკი თავის გუნდს „ბრედფორდთან“ წაავებინებდა. მილაიონი დათანხმდა.

„ბრედფორდის“ თავდამსხმელები დიდი ვერაფერი შვილები იყვნენ, მეტოქის დაცვას ვერ სჯობნიდნენ. ამიტომ მეკარეს დიდი ოსტატობის გამოჩენა დასჭირდა, რათა თავის კარში ორი ბურთი გაეშვა, ისე, რომ მისი პარტნიორები არ აღშფოთებულყვნენ.

და მინც მეკარის შრომა წყალში ჩაიყარა. საქმე ისაა, რომ „ბრისტოლ როუერისის“ თავდამსხმელებმაც გაიტანეს ორი ბურთი და მატჩი ფრედ — 2:2 დამთავრდა. რაღას იზამდა მეკარე: ადგა და 300 გირვანქა სტერლინგი „ბრედფორდს“ დაუბრუნა.

ფსევდონიმებიც ასეთი უნდა!

როგორც მოგეხსენებათ, ბრაზილიაში ფეხბურთელებს ნამდვილი გვარებით არავენ იხსენიებს, თითქმის ყველას რაიმე ფსევდონიმი აქვს.

ერთ-ერთი კლუბის პრეზიდენტმა ოსვალდო და ვინიომ, რომელიც მხატვრობის დიდი მოყვარულია, გუნდის წევრებს ფრიად თავისებური ფსევდონიმები შეუთხოვია. ამ გუნდის პირველ მეკარეს პიკასოს უწოდებენ, მეორეს — რაფაელს. ცენტრალურ მცველს ველასკეს უძახიან, გარემარბებს — რუბენსა და კოროს.

ამასთან კლუბის შენობა გოიას ქუჩაზე მდებარეობს

სასტუმრო „ფეხბურთი“

ბრაზილიის ქ. არამბუში ახალი სასტუმრო დაარსდა, რომელსაც „ფეხბურთი“ ჰქვია. მასში შესავალი კარი ფეხბურთის კარების ფორმითაა შესრულებული, ზარები შეცვლილია საშაჯო სასტვენით. რესტორანში სამი დარბაზია ასეთი სახელწოდებებით: „შვეცია, 1958“, „ჩილე, 1962“ და „მექსიკა, 1970“. ამ ქვეყნებში ხომ ბრაზილიელებმა მსოფლიო ჩემპიონობა მოიპოვეს. სასტუმროს კედელზე გამოჩენილ მოთამაშეთა სურათებია.

ოქუნილი ჟურნალი

ენრიკე ამორიმი

ურბეგაი

ნოველა

სიდანაც არ უნდა შეგეხებათ. რანჩო მთლად გაპარტახებული იყო, ზამთრის დაუზოგავ ქარს ჭიშკარი მოუყანალებია. მაინც უღიერად მიხეთქებდნენ ხოლმე ვალების დროს. ახლაც, მარიანიტა რომ გამოუშვებს და ევლავ მიხურეს, ჭიშკარი კიდევ დიდხანს ძაგდაგებდა და გულისგამაწვრილებლად აელარუნებდა საყეტს. შვიდი წლის გოგონა, რომელსაც აქეთ-იქეთ ორი ნაწნავი ჰქონდა აპრეხილი, ისე გამოაგდეს გარეთ, თითქოს რანჩოში ზედმეტი ყოფილიყო.

— უქნარავ, წადი და გაყიდე შენი ჭრელა. სახლში კაბიკი არ არის, ჩაის საყიდელი ფულიც კი არა გვაქვს.

მართლაც, შინ მატეც კი არ გააჩნიათ. ნამდვილად ასეა. საქათმეში მხოლოდ უნიათო მამალია დარჩა, რომელსაც გათენებისას დაყოფებაც არ შეეძლო და კრუხი, რომელიც კვერცხებზე იჭდა. მხოლოდ გოგონას იმედი აქვთ. ან იქნებ ძმებმაც უშველონ ოჯახს, თუ ბედი ეწვეათ და ძველი თოფით რაიმეს. მოკლავენ: ხომ უნდა დაეხმარონ დედას, იგი ფეხმძიმედა, მეხუთე თვეშია.

კვირაობით მარიანიტა ხშირად მიდიოდა სოფელში ქათმების გასაყიდად. სახლებს იმ დროს დაივიწყებდა, როდესაც ცოდვებისაგან განწყენილი და დაშოშმინებული დიასახლისები ეკლესიიდან ბრუნდებოდნენ, ეპაყოფილი იმით, რომ ღვთის მიმართ თავიანთი ვალი მოიხადეს. ხანდახან გოგონა თავისუფლების მოედანზე გასვლამდე დაიცლიდა ხოლმე ხელს. მთელ მის საქონელს მარმარილოს აივნიან ორ-სამ სახლში ყიდულობდნენ. ხანდახან მოახლებები ბუზღუნებდნენ, რადგან შიშისაგან იყო თუ სიხარულისაგან, მარმარილოთი მოფენილ წინათაზში მოგზავნიდნენ, ქათმები იქაურობას სვრიდნენ. ამ ბუზღუნის საპასუხოდ მარიანიტა და მისი ძმები მხოლოდ მხრებს იჩივდნენ, მერე, აღებულ ფულს მუჭში დაიჭერდნენ და ბორცვზე აცოცდებოდნენ, რომ დაღამებამდე თამაშით გული ეჯერებინათ.

მაგრამ იმ დღეს მარიანიტა ისე ყოჩაღად არ იქცეოდა, როგორც სხვა დროს. ენანებოდა ჭრელას გაყიდვა, რომელიც მისი ხელიდან ენკავდა მარცვალს და ლეკვივით კუდში დასდევდა. გოგონა მზად იყო მოეპარა რამე, ოღონდ კი თავის რჩეულს არ განშორებოდა.

სახლში ქათმების მოსახმობად მარიანიტას ყველაზე ნაზი სახლები ჰქონდა შერჩეული. ჭრელას გულში ჩაეკრავდა და საალერსო სიტყვებს ეჩურჩულებოდა. სოფლისკენ რომ მიდიოდა, გოგონა ხელს უსვამდა ბრჭყვიალა ბუმბულზე, ვარდისფერქორიან თავზე და ეტიტინებოდა — გასაგებია, რას ეტყოდა ასეთ დროს ბავშვი თავის რჩეულს.

— მანსიტა, საყვარელი მანსიტა, — იმეორებდა გოგონა და ქუჩიდან ქუჩაზე გადადიოდა, ქათმის გაყიდვა ვერ გადაეწყვიტა. წარმოიდგინა, რომ იგი გამოასეირნა, რომ გავრთო, ეკლესიაში წაეყვანა. მაგრამ ხომ არ შეიძლება მთელი დღია სოფელში ქათმიანად იხეტიალო, უცხოთა სახლში. კარებთან გაჩერდეს და ვერ გაბედოს გარუჯული ხელი დააჭირო ზარს, რომელიც მამლის თვალივით გიყურებს.

ბოლოს და ბოლოს, მარიანიტამ ძალა მოიკრიბა და დარქვა.

კარის გაღება დააგვიანეს. მით უკეთესი, კიდევ მოასწრებს რამდენიმე სიტყვა ჩასჩურჩულოს თავის მეგობარს.

მაგრამ დიდხანს ლოდინი არ დასჭირვებია. შავ ტანსაცმელში გამოწყობილი მუქსათვლიანი სენიორი გამოვიდა და უთხრა: „წადი აქედან, ქათმებს არ ვყიდულობ“. შავი სათვალეებიდან კარგად ვერაფერს დაინახავ. ამიტომ ვერ შენიშნა სენიორმა ბედნიერი ღიმილი ბავშვის სახეზე. ასეთი ადამიანები ვერასოდეს ვერ ამჩნევენ სხვის სიხარულს.

მარიანიტა კედელ-კედელ მიდიოდა: მეტად მიმზიდველი ეჩვენებოდა მზით გაბღვრილებული ბილიკი. სახლის ქვედა სართული ღია ფერად შეედებათ და კედელზე მზის სხივები ციალებდნენ. მეუბოვე რომ არა, მარიანიტა მთელი დღე აქ დარჩებოდა, ჩაცუქდებოდა და ლამაზად ჩაცმულ გამვლელს შეაქებდებოდა. ბედნიერება იქნებოდა დაენახა, როგორ ბრუნდებოდნენ ეკლესიიდან მდიდარი სენიორები, რომელთაც ხელში ნუგბარი მსაქუნავი ეჭირათ. მაგრამ გოგონას გაახსენდა, რომ შინ, რანჩოში, კაბიკიც არ მოიძებნება, მატეს საყიდელი ფულიც კი არ გააჩნიათ.

— ქათამი არ გნებავთ, სენიორ? — ხის ჭიშკარი ცხვირწინ მიუხურეს. სენიორმა ისიც კი უარ შენიშნა, როგორ გაუხარდა მარიანიტას მისი ასეთი მტკიცე უარი.

ისევ უცხოთა ჭიშკრები, უცხოთა კარები და უცხოთა ზღურბლი. ყველგან უარით ისტუმრებდნენ. მაგრამ აი, ერთგან მოხუცმა ქალმა გამოიხედა, ბავშვივით მოალერსე იყო, სრულებით არ შეგეშინებოდათ მისი.

— რამდენი გინდა ქათამში, შვილო?

მარიანიტა დაიბნა, სისხლი გაეყინა ძარღვებში. ბოლოს, დედამ რომ დააბარა, იმაზე ორჯერ მეტად დაუფასა. იმედი ჰქონდა, ახლაც უარს მეტყვისო. მაგრამ შეცდა. მოხუცმა სენიორამ უთხრა, დამოკიდეთ. კარი ღია იყო და მარიანიტამ შიგნიდან ჩურჩული გაიგონა. მართო დარჩენილმა გოგონამ მოასწრო მანისტასთვის ლამაზ, მწიფე მარწყვივით წითელ ქორხრზე ეკოცნა.

იატაკზე ფეხების ფლატუნე მოიხმა. მოხუკ ნელ-ნელა მიუახლოვდა გოგონას და ხელი ქათამს წაატანა. მეორე ხელში ფული ეჭირა. შეუბრალებლად ფეხებით დაიჭირა ჭრელა და რამდენჯერმე შეისროლა, თითქოს აქანავებდა.

— აა, გენაცვალე, — ქალმა მარიანიტას ფული გაუწოდა, — ეს ერთი რეალი კი შენი იყო.

წუთით მარიანიტას გული აუჩუყდა, პირველად უთხრეს — გენაცვალეო. მაგრამ, როგორც კი მოხუცმა სენიორამ კარი მიხურა და მანსიტა წაიყვანა, რომელიც ისე კრიახობდა, თითქოს კლავენო, მარიანიტას ეს გულქვა მოხუცი შეგავრდა. დაწნული კიკინები გვერდზე სიბრაზით აუპრიახა. გოგონამ მეორე მხარეს გადაიბრინა, ოღონდ

იქარა გაცალოს ჭაქურბობას, ოღონდ რაიმე ტანსაცმელი კვინდა არ გაიგონოს. სისქარეში კინაღამ სატვირთო მანქანის ქვეშ არ მოჰყიდა ბიჭებმა გადაარჩინეს. კვირაობით ქუჩებში უაპრავე ხალხი გამოეფინება, მაგრამ რისი გაყიდვაც გინდა, გაგიძნელებდა.

მარიანიტა თავიანთი დანებებოდა. ასე უნდომლად მიბორიალებს ბავშვი, რომელსაც მშობლებმა რაიმე დააეალეს. ბილიკზე ჩრდილი ჩამოწვა. მზე მიიშალა. აი იგი კუთხეში ხილის ფარდულის წინ შეჩერდა. მზის შუქი ფორთოხლებზე კაფობდა, ნაირფერი, მიმზიდველი ხილი გროვებდალ ეწყო — უზარმაზარი ბანანების კუნწულები. ანანასები, ვაშლები სათამაშოებივით ჩემქვირეკებინათ; იქვე იყო წვნიანი მწიფე ღიმილები. მარიანიტას არაფერი ხილავდა. ამდენ სიუხვეს რომ ხედავდა, უფრო მაგრად ბლუჯავდა ხელში ფულს. არ დავკარგოო. უეცრად კვერცხებით სავესე ყუთს მოჰქრა თვალი. გამყიდველმა ფანჯრიდან დაინახა გოგონა. იგი მოჯადოებულივით იდგა და თვალს არ აშორებდა კვერცხებს. როცა მარიანიტა ფარდულში შევიდა და ერთ კვერცხზე მიუთითა, შეიძლება თუ არა ვიყიდოო, გამყიდველს სახე დიმილმა გაუნათა.

— მაინცდამაინც ეს? — ჰკითხა გამყიდველმა.

— დიახ, — ძლივს გასაგონად წაიჭურჩულა გოგონამ.

— რატომ მაინცდამაინც ეს და სხვა არა?

ხშირად ვერ ახსნი, რატომ. შვიდი წლის ასაკში ყველა ვერ გიპასუხებთ ასეთ კითხვას. გამყიდველმა მხრები აიჩეჩა, თითებში ოინბაზივით ამოილო ყუთიდან კვერცხი და ყვავილივით მიართვა გოგონას.

მარიანიტამ ჰკითხა, რამდენი უნდა გადავიხადოო. გამყიდველი ერთი იმათგანი გახლდათ, ვინც მზიან კვირა დღეს ბავშვებს ჯალდობრივით გამოეცხადება ხოლმე. „გაჩუქე“ — უპასუხა მან მარიანიტამ მადლობა გადაუხადა და შეუცნობელი ეშმაკური სინაზით გაუღიმა. იგი რანჩოსკენ გაიქცა და ერთი ათჯერ მაინც მოიხედა უკან, სანამ მირუხვევდა.

დედას გაუვირდა, ფული რომ დათვალა. ბაზარში ფასებმა მოიმატეს? წინასწარ რას გაიგებ. ბაზარში ბევრ უცნაურობას გადააწყვდები.

მარიანიტამ კვერცხი კაბის ჯიბეში ჩაიღო და გაიქცა ყუთისკენ, რომელშიც კრუხი იჭდა. კრუხი უხალისოდ ღებულობდა დაუბატიებელ სტუმრებს. როგორც ყველა, ვინც სასარგებლო საქმით არის გართული. გოგონამ კვერცხი ნახშირით დანიშნა და ფრთხილად ამოუღო კრუხს თბილი ფრთების ქვეშ.

უცბად გულს მოეფონა, მანსიტას დაკარგვასაც შეუტრიცდა.

ყუთიდან მოშორებით ჩაცუქული გოგონა და კრუხი, უნდობლად რომ აელმებდა ცალ თვალს, დიდხანს შესცქეროდნენ ერთმანეთს.

ოცდაერთი დღის შემდეგ კი...

თარგმნა ლამარა თურმანიძე

ლექსი და... ქოლექსის გუხლი

ზამთარი მართლაც მძიმე და სუსხიანი იყო. თოვლის ნაშქერებმა ერთიანად დაფარა ეზოები და შუკები. თერთად გადაბენტილ ველ-მინდვრებზე კაც-კახიონმა ერთხელ კიდევ შეიბერტყა მხრები და თოვლისაგან დამძიმებული ხეები ქანდაკებადქცეულ თეთრ გოლიათებს დაემსგავსნენ. სწორედ ამ უამინდობაში, ჭერ კიდევ ახლადგაკალული თოვლიანი ქუჩა აჩქარებით გადაჭრა ტყაუჭიანმა მწყემსმა და ახმეტის რაიონული მილიციის შენობაში შევიდა.

მილიციის მორიგემ შეშფოთებით ახედა მოულოდნელ სტუმარს და რაკი შემოსული მალევე იცნო, გაკვირვებით მიაჩერდა.

— ამ უთენია, თოვლსა და ტყაში რამ ჩამოგიყვანა მთიდან, გაბო?

შემოსულს შუბლი არ გაუხსნია, კომბალი კუთხეში მიაუღო, ვეება ხელებით თოვლი ჩამოიბერტყა, თბილი ფაფახი მოიხადა და ძლივს ამოიღობა.

— უფროსი აქ არის?

— აქ არის, სულ ორიოდე წუთია, რაც მოვიდა. უბედურება ხომ არაფერია, კაცო?

— აბა, ძილი იმითმე გავიმწარე, რომ ამ დღიდან ქორწილში დაგაპატიო! — გაბორტებულმა მწყემსმა სრულიად უმიზეზოდ გაიწწლა მორიგე, აღარც მიუხედავს მისკენ და უფროსის კაბინეტისაკენ გაემართა.

მილიციის უფროსი ფანჯარასთან იდგა და დათვლილ ქალაქს გაჟურებდა. უცბად რაღაც გაახსენდა, სწრაფად შემობრუნდა და ტელეფონის ნომერი აკრიფა. სწორედ ამ დროს კაბინეტის კარები გაიღო და ოთახში თავიდან ფეხებამდე დასველებული მწყემსი შემოვიდა. უცნობი უხერხულად ატრიალებდა ხელში ფაფახს და არ იცოდა საიდან დაეწყო. ისევ მაიორმა გამოიყვანა უხერხულ მდგომარეობიდან.

— რა გაგვირვებია, სტუმარო?

— მიშველეთ, უფროსო, ქურდები მაპოვნინე და შენს მშეს ვილოცებ. დანაკარგი ისე არ მაღარდებს, როგორც სირცხვილი. როგორ უნდა გამოეყო თავი გარეთ. ერთი ხელში ჩამაგდებინა ის ძაღლისშვილები და მერე მე ვიცო!

— დაწყნარდი, დაწვრილებით მომიყვიე ყველაფერი და დაგეხმარებით, მაშ რისთვის ვართ აქ, შე კაი კაცო, — დამშვიდა უფროსმა.

ღორის კოლტი ხეგვრძელის ტყეში ჰყავდა და ბინავებული გაბო დინგაშვილს; მწყემსმა სულ ცოტახნით მიატოვა ბინა, სოფელში ჩავიდა პურის ამოსატანად, მაგრამ უკან დაბრუნებულს ღორი ადგილზე აღარ დაუხვდა. ბოროტმოქმედებს ერთიანად გაერეკათ მთელი კოლტი. კინაღამ შეიშალა კაცი, მხარზე კომბალი გაიღო და ქურდებს თვითონ დაედევნა. გაუკვალავ თოვლზე ყველაფერი თვალნათლივ ჩანდა.

ქურდებს სავალად ლუდე-ლუდე ადგილები აერჩიათ, ტყე-ტყე გაჟყოლოდნენ ბილიკებს და ისე ჩასულიყვნენ იფნის გორაში. იქიდან კი ძალიან გაძნელდა კვალის გაგნება: მანამდე ორი კაცი მოსდევდა კოლტს. მათი ფეხის ანაბეჭდები აშკარად ემჩნეოდა თოვლს, მაგრამ იფნის გორის შემდეგ ყველაფერი აირია.

საგანგებო ოპერატიული გეგმის მიხედვით საგულდაგულოდ მოჩხრიკეს საექვო ადგილები, მაგრამ ქურდების კვალს მაინც ვერ მიაგნეს. არც ახმეტის, თელავის, გურჯაანის და ყვარლის საკოლმურნეო ბაზრების შემოწმებამ გამოიღო შედეგი. მთელი კოლტი ღორისა და ბოროტმოქმედებთვალსა და ხელს შუა გაქრნენ.

გადაწყდა გადაესინჯათ ღორების ქურდობისათვის ნასამართლები პირების საქმეები, შეემოწმებინათ პატიმრობიდან დაბრუნებულები, მათი ოჯახები და სწორედ მათ შორის ეძებნათ დამნაშავენი. მილიციის მუშაკთა ყურადღება, ახმეტაში მცხოვრებმა ხვთისო გიორგის-ძე პეტრიაშვილმა მიიპყრო: ამგვარი ხერხით მას ადრეც არაერთხელ გამოურეკია ღორი სადგომებიდან. რამდენჯერმე პასუხისგებაშიც იყო მიცემული ქურდობისათვის. მართალია ქურდობის დღეს იგი სახლში იყო, მაგრამ ის კი დაადგინდა, რომ მეორე დღეს მეგობრებმა— იოსებ ჩოხელიშვილმა და იოსებ გოგენიშვილმა გამოურეს და სადამომდე ერთად ქეიფობდნენ. მათი საქციელი ეჭვს იწვევდა.

მილიციის რაიონულ განყოფილებაში რომ მოიყვანეს, ძმაკაცებმა ჭვა ააგდეს და თავი შეუშვირეს. რას ამბობთ, ხალხო, რის ღორი, რა ღორი, ღმერთო დაგვიფარე შარისაგან, თქვენი პირუტყვი თვალითაც არ დაგვინახავსო. ხმას იმალდებდნენ, პროტესტს აცხადებდნენ, რა გინდათ, რას გვეჩიოთ, ცილს რათა გვწამებთო!

მილიციის მუშაკებს ხელმოსაქიდი საბუთი არაფერი ჰქონდათ, გადაწყდა დაკავებულებისათვის ბოლოში მოეხადათ და გაენთავისუფლებინათ. მაიორმა ის იყო კიდევ უთხრა— წადით თქვენ თქვენს სახლებშიო; ისინიც კარისაკენ გაეშურნენ, და უცბად შენიშნა მაიორმა: კართან მისულმა ჩოხელიშვილმა ჯიბეზე იტაცა ხელი, რაღაც ქალაღი მოსინჯა და სწრაფად ჯიბეშივე ჩაიღო.

— რას მალავ, ბიჭო, ასე საგულდაგულოდ? — შეეკითხა მილიციის უფროსი.

— არაფერს, უფროსო, ლექსია, უბრალო ლექსი, — ველარ დამალა ჩოხელიშვილმა, ეგონა ლექსი მილიციის მუშაკს არ დაინტერესებო და დაიმორცხვა — ფშაველი კაცი ვარ, ზოგჯერ ლექსის კია შემოქმედება და თუ არ დაწერე, ველარ ვითმენ. წუხელაც ასე დამემართა.

— ლექსებსა სწერ, შე დაღუპული! ლექსები მეც მიყვარს. აბა, ერთი წამაკითხე!

ჩოხელიშვილმა იუარა: ამ ჩემი აბლაუბლის წაკითხვა არა ღირსო, მაგრამ მილიციის უფროსი არ მოეშვა. ქალაღი ჩამოართვა და ისე ჩაიკითხა ბოლომდე. ერთხელაც არ აუხედავს ზევით. ლექსში დაუფარავად იყო ნათქვამი ის, რასაც ასე ჭიუტად ეძებდა მაიორი.

გაიძობოთ ჩოხელიშვილი თავის თავგადასავალსა, როგორ ვიპარავთ ღორებსა, თოვლზე გავრეკავთ მრავალსა.

ულრან ტყეს გამოვუდგებით, ბილიკს არ ვეძებთ სავალსა, გვერდით მყავს გოგენიშვილი, ვეფხვსა ჰგავს კლდეზე მავალსა.

პირველი გამორეკვისას ვახსენებთ მამა-მთავარსა, დიდებულს ლაშარის ჭვარსა და იმის კვალზე მავალსა:

— ნუ შახვედრებ პატრონსა მალე პირუტყვის ნავალსა, ჩვენ იმ ღორების ფულითა ღვინის თასს აწვევთ მრავალსა, დავლეთ თქვენს სადილებელს, კარგ სიტყვას ვიტყვიო მრავალსა.

მაგრამ დიდების მაგიერ ამ საქმეს მოჰყვა გრძელი გაგვირგვინი ჩავსვენს კიბოში, ღლე და ღლე არ გვიძინებო.

ნათლია მუსაც მოგვეკვირეს ეს რაღა დაუქერილი? შემოხსნეს ძვირფას ქაბადი, გაუნიავეს წელია, ვახსრიკეს მორიგეებმა, ოქვეს ესეც დასიჭირა.

მიპყავს მორიგეს ღლილი თათრების მოლა ბრძენია, ჩასვეს მეოთხე კამორში, შეღი მანდ, შენი ჭერია, ღორების ფულით ნაყილი ვერნო შენც დაგიღვივო.

— რა ჰქენ, ნათლია თეგდორე, ან როგორ შეუძელია, როგორ ატარე დღეები, ან ღამეები ბნელია, ხვარა გციოდა ძანა, ხვარ დაგსველდა წელია, რა მალე ამოგაშხამეს, ის ღვინომც არ დაგვლოა, დაგტარის პეტრიაშვილი, ღორების გაპყიდველია.

თვითონაც ამ საქმეზე ზის რაღა აქვს საცინელია, ხომ იცის მაგის სტატუსი მოელის ხუთი წელია, თანაც ქონების აწერა, სახლის გაყიდვა ძნელია, რას გვექმენ მე და იოსებს, ჩვენ რა გვაქვს საღარფელოა, ჩვენთან მარტო წაიღეს, თითო პერანგი ძველია, ჩვენ მაინც აღარ ვაცვამლო, არ უფარგოდა ვერია.

მილიციის უფროსი ფეხზე წამოდგა, ღიმილს ძლივს იკავებდა, ხმაც არ ამოუღია, ისე დააპირა დილაკს თითი და მორიგეს უბრძანა:

— ჩაიყვანეთ პატიმრები საყანოში!

მერე ყველაფერი თავისი გზით წავიდა. ქურდები იძულებული გახდნენ გამოტეხილიყვნენ დანაშაულში. მათ დაუფარავად აღიარეს თოვლიანი ღამის თავგადასავალი. ახლაც მორჩილად სხედან ისინი მიჩენილ ადგილზე და სინანულით იგონებენ მწარე წარსულს.

ჩოხელიშვილი კი თურმე წყევლა-ქრულით იგონებს იმ დღეს, როდესაც პირველად აიღო ხელში კალამი და ლექსის წერა გაბედა.

ანანი არსენაშვილი

საქ. სსრ კ. მარქსის 5
სახ. სახ. რესპუბ.
ბიბლიოთეკა

პოლიტიკა



რბ ღირს თეატრის ბილეთი

ნეაპოლელი კომერსანტი სახტად დარჩა, როცა თავისი სადარბაზოს წინ რამდენიმე დღით ადრე დაკარგული მსუბუქი მანქანა „მერსედესი“ დახვდა.


მანქანა მთლიანად ხელუხლებელი იყო. სავარძელზე იდო პატარა ბარათი და ორი ბილეთი როსელინის ოპერის პრემიერაზე დასასწრებლად.

წერილის ავტორი, რომელიც თავის თავს სტუდენტს უწოდებდა, ბოდიშს უხდოდა კომერსანტს.

„მაპატიეთ, — წერდა, იგი — აუცილებელი საქმის გამო, იძულებული ვიყავი თქვენი მანქანა წაშეყვანი. მანქანის ქირის შემოთავაზება მეუხერხულემა. გადაწყვიტე ოპერის პრემიერის ბილეთები ვაგმოგცეთ. მობრძანდით ოპერაში, გაცივდით ერთმანეთი და იქ, ერთხელ კიდევ მოვიხდით დიდ ბოდიშს“.

კომერსანტი მეუღლითურთ წავიდა ოპერაში. სტუდენტი ოპერაში არ მისულა. შინ დაბრუნებულ კომერსანტს ბინა პირწმინდად გაქურდული დახვდა. მაგიდაზე ბარათი იდო.

„მაპატიეთ. აუცილებელი საქმის გამო, ოპერაში ვერ მოვედი. გიტოვებთ მუსიკალური კომედის პრემიერის ორ ბილეთს“.



რესტორანი და დინოზავრი

ამერიკელმა მოქანდაკემ კლოდ კენეტ ბელმა გადაწყვიტა, მის მიერ გამოქანდაკებული 45 მეტრიანი დინოზავრის მუცლის ღრუში რესტორანი გახსნას.

იმ შემთხვევაში, თუ ეს წამოწყება სარფიანი გამოდგება, კლოდ კენეტ ბელი თავის ბიზნესს გააფართოვებს: იგი კალიფორნიაში ლოს-ანჯელეს-პელმ-სპრინგის ავტოსტრადის გაყოფებით ჩაამწყობებს, გიგანტურ ხელიკებს, რომელთა ღრმულებში რესტორანებს, მაღაზიებსა და სხვა სავაჭრო ობიექტებს გახსნის.



მინიკაბიანი მლოცველები

ვატიკანის ხელისუფლებმა, ამ რამდენიმე ხნის წინ, სასტიკად აკრძალეს რომში, წმინდა პეტრეს ტაძარში მინიკაბიანი ქალების შეშვება. ამ მიზეზების შესრულებას პირველ ხა-

ნებში მონაზვნები ადევნებდნენ თვალყურს. ამას წინათ მონაზვნები ბერებმა შესცვალეს. საქმე იმაშია, რომ „ქრისტეს საძოვებს“ ნერვები ეშლებოდათ ეკლესიის შესასვლელთან ულტრა-მოდურად ჩაცმული ახალგაზრდა ქალიშვილების გამოჩენაზე. ერთ-ერთ მონაზვნს, მაგალითად, სანახევროდ გაშიშვლებული ტურისტის ქალების დანახვაზე, გულიც კი შეუწუხდა.

ახლა ჯერი ბერებზეა. ვნახოთ, როგორი ნერვები აღმოაჩნდებათ მათ.



ღონ-ჟუანი ტანკაზე

დასავლეთ გერმანიაში განლაგებული ამერიკის არმიის ერთმა ახალგაზრდა სერჟანტმა პაემანი დაუნიშნა ქალქის რომელიღაც ბარის ოფიცინტს. ქერათმიანი გრეთხენი პაემანზე არ მოვიდა. ამ ამბავმა სერჟანტი ისე გააბრაზა, რომ მძიმე ტანკში ჩაჯდა, გრუხუნით მიადგა ბარს და მსხვილკალიბრიანი ზარბაზანი დაუმიზნა კარს.

ბარისა და შიგ მყოფი ხალხის ბედი ბეწვზე ეკიდა. თავზეხელაღებული ღონ-ჟუანი საგანგებოდ გამოძახებულმა სამხედრო პატრულებმარის ვაივავალხით ამოათიეს ტანკიდან.

შეშინებული ქერათმიანი ოფიცინტი საავადმყოფოში გააქანეს, შეყვარებული სერჟანტი კი სამხედრო პოლიციას გადასცეს.

გომბი... საკლასო ოთახში

კილის (დასავლეთ გერმანია) ჰუმბოლტის სახელობის საშუალო სკოლის კანცელარიაში ტელეფონის ზარის ხმა გაისმა. ვიღაც უცნობმა ყურმილში ჩასძახა, რომ სკოლის შენო-

ბაში დამალულია საათის მექანიზმიანი ბომბი, რომელიც ეს-ეს არის უნდა აფეთქდეს.

მეცადინეობა, — რა თქმა უნდა, მაშინვე შეწყვიტეს და ბავშვები საჩქაროდ გაუშვეს სახლებში.

პოლიციამ ბომბი ვერ იპოვა, სამაგიეროდ მათ შესძლეს დაედგინათ, თუ სკოლის კანცელარიაში ვინ დარჩა ტელეფონით.

„კეთილი უცნობი“, რომელმაც სკოლა ბომბის აფეთქების შესახებ გააფრთხილა, ამავე სკოლის მისწავლე აღმოჩნდა.

საქმე შემდეგში იყო: რადიოსა და ტელევიზიის გადაცემათა გავლენაში მოქცეულმა ბავშვებმა წილი ჰყარეს; ვისაც წილი ერგო, პირნათლად შეასრულა მოვალეობა, სკოლის კანცელარიაში დარეკა და მიეცა ჯგუფი დაიხსნა იმ დღეს დაგეგმილი მათემატიკის საკონტროლო წერითი სამუშაოსაგან.



სად უნდა შეწყვიტოთ ციტატა

ამერიკის შეერთებულ შტატებში ბიოსფეროს დაბინძურების პრობლემა იმდენად მწვავე გახდა, რომ მის შესახებ სახელმწიფო მოღვაწეებიც ალაპარაკდნენ. პრეზიდენტმა ნიქსონმა სატელევიზიო ინტერვიუში გამოჩენილი პოეტის თომას ელიოტის ლექსის მაღალმოდოციური სტრიქონებიც კი მოიყვანა ციტატად: „განწმინდეთ ჰაერი! განწმინდეთ ზეცა! განწმინდეთ ქარები! ქვეს ავლიჯეთ ქვა და ორთავეს ჩამორეცხეთ ჭუჭყი!“

ნიქსონმა აქ წერტილი დასვა. მაგრამ ამოლო! მომდევნო სტროფში ელიოტი აცხადებს: „...ჩვენ თვითონ ვართ შებილწულები. სისხლის წვიმაში ვერაფერს ვხედავთ!“

მართლაც რომ ზუსტად არის ყველაფერი ნათქვამი!

გარეკანის პირველ გვერდზე: იპოდრომზე, ფოტო თ. არჩვაძისა; მეოთხე გვერდზე: დიმილი, ფოტო ვ. დონაძისა.

მთავარი რედაქტორი გ. ნატროშვილი.

სარედაქციო კოლეგია: გ. ბახტაძე, თ. გოგოლაძე (პ/მგ. მდივანი), ს. დურმიშიძე, ლ. კალანდაძე, ვ. კიკნაძე, ა. კუსრაშვილი, დ. ნოდია (მხატვარი-რედაქტორი), მ. სააკაშვილი, ი. ტაბალუა, უ. ჯაფარიძე.

სამ კვ ცკ-ის გამომცემლობა

ტექნიკური დ. ხეფიაშვილი. კორექტორი ტ. თაბორიძე.

რედაქციის მისამართი: თბილისი, რუსთაველის პრ. № 42, III სართ. ტელ. — რედაქტორის — 99-54-66, პ/მგ. მდივნის — 99-82-69, განყოფილებების — 93-28-42, 99-01-39

რედაქციაში შემოსული მასალები ავტორებს არ უბრუნდებათ.

ფასი 30 კაპ.

გადაეცა ახაწყობად 11/IX-72 წ. ხელმოწერილია დახაბეჭდად 25/IX-72 წ. ქალ. ზომა 70x108¹/₈. ფიზიკური ნაბეჭდი ფურც. 3. პირობით ნაბეჭდი ფურცელი 2,7. საადრიცხვო-სავაჭრომცემლო თაბაბი 3,4. ტირაჟი 51.100. შეკვ. № 2983. უფ 02017.

Ежемесячный общественно-политический и литературно-художественный журнал „Дроша“ (на грузинском языке) Издательство ЦК КП Грузии

საქ. კვ ცკ-ის გამომცემლობის სტამბა, თბილისი, ლენინის ქ. № 14. Типография издательства ЦК КП Грузии, Тбилиси, ул. Ленина, 14.



ცნობისმყოფად, ფოტო ზ. დათუაშვილისა.

